



朔  
州  
志

藝文志下

傳誌

論著

詞章

詩

傳誌 傳

尉遲敬德列傳

唐書



尉遲敬德名恭以字行朔州鄆陽人隋大業末從  
 高陽積閱為朝散大夫劉武周亂以為偏將與宋  
 剛南侵得晉滄等州襲破永安王孝基執獨孤懷  
 等武德二年秦王戰柏壁金剛敗奔突厥敬德合  
 眾守介休王遣任城王道宗宇文士及諭之乃與  
 相舉地降引為右一府統軍從擊王世充會尋相  
 諸將疑敬德且亂因之行臺左僕射屈突通高  
 開山日敬德懼敢今執之猜貳已結不即殺後悔  
 及也王曰不然敬德必叛寧肯後尋相者耶釋之  
 見卧内曰大丈夫意氣相許小嫌不足置胸中我  
 以讒言害良士因賜之金曰必欲去以為汝資是  
 獵榆窠世充自將兵數萬來戰單雄信者賊驍將也

地方文獻

騎直趨王敦德躍馬大呼橫刺雄信墜馬乃翼王出  
率兵逐戰大敗之禽其將陳智略獲排稍兵六千王  
顧曰比衆人意公必叛我獨保無他何相投連耶賜  
金銀一篋竇建德營板渚王命李勣等為伏親扶弓  
令敬德執稍略其壘大呼致師建德兵出乃稍引却  
殺數十人衆益進伏發大破之時世克兄子琬使於  
建德乘隋帝殿馬鎧甲華整出入軍中以夸衆王望  
見問誰可取者敬德請與高甌生梁建方三騎馳往  
禽琬引其馬以歸賊不敢動從討劉黑闥賊以奇兵  
襲李勣王勅兵掩其後俄而賊衆四面合敬德率壯  
士馳入賊王乘陣亂乃得出又破徐圓朗以功授王  
府左二副護軍隱太子嘗以書招之贈金四一車辭  
曰敬德起幽賤會天下喪亂久陷逆地秦王實生之  
方以身殉恩今於殿下無功其敢當賜若私許則懷  
二心狗利棄忠殿下亦無用之哉太子怒而止敬德  
以聞王曰公之心如山岳雖積金至斗豈能移之然  
恐非自安計巢王果遣壯士刺之敬德開門安卧賊  
至不敢入因譖於高祖將殺之王固爭得免其後

巢計日急敬德與長孫無忌入白曰大王不先決社  
稷危矣王曰我惟同氣所未忍伺其發而後以義討  
之如何敬德曰人情畏死衆以死奉王此天授也天  
與不取反受其咎大王即不聽請從此已不能交手  
蒙戮無忌曰王不從敬德言敬德亦非王有今敗矣  
王曰寡人之謀未可全棄公更圖之敬德曰處事有  
疑非智臨難不決非勇王今自計如何勇士八百人  
悉入宮控弦被甲矣尚何緝後又與侯君集等懇懇  
勸進計乃定時房元齡杜如晦被斥在外召不至王  
怒曰是背我邪因解所佩刀授之謂曰即不從可斬  
其首以來敬德遂往諭元齡等與入計議隱太子死  
敬德領騎七十人趨元武門王馬逸墜林下元吉將  
奪弓窘王敬德馳叱之元吉走遂射殺之宮府兵屯  
元武門戰不解敬德持二首示之乃去時帝泛舟海  
池王命敬德往待不解甲趨行在帝驚曰今日之亂  
為誰斯何來邪對曰秦王以太子奔王作亂舉兵誅  
之恐陛下不安遣臣宿衛帝意悅於是南衙北門兵  
與府兵尚難鬪敬德請帝手詔諸軍聽秦王節度內

外始定王為皇太子授左衛率時坐隱巢者百餘家  
將盡沒入之敬德曰為忠者二人今已誅若又窮矣  
完非取安之道由是普原論功為第一賜絹萬疋舉  
齊府金幣什器賜馬除右武侯大將軍封吳國公齊  
封千三百戶突厥入寇授涇州道行軍總管虜至涇  
陽輕騎與戰敗之敬德所得財必散之士卒然婢直  
頗以功自負又廷賢大臣得失與宰相不平出為襄  
州都督累遷同州刺史嘗侍宴慶善宮有班其上者  
敬德曰爾何功坐我上任城王道宗解喻之敬德勃  
然擊道宗目幾眇太宗不憚罷詔讓曰朕觀漢史書  
怪高祖時功臣少全者今視卿所為乃知韓彭夷戮  
非高祖過國之大事惟賞與罰橫恩不可數得勉自  
脩飾悔何及乎敬德頓首謝後改封鄂國歷鄜夏二  
州都督老就第授開府儀同三司朝朔望帝將討高  
麗敬德上言乘輿至遼太子次定州兩京空虛恐有  
元感之變夷貊小國不足枉萬乘願委之將臣以時  
推減帝不納詔以本官行太常卿為左一馬軍總管  
師還復致仕顯慶二年卒年七十四高宗詔京官五

品以上及朝集使赴第臨弔冊贈司徒并州都督諡  
司忠武給班劍羽葆鼓吹陪葬昭陵敬德晚節謝賓  
客不異通飾觀沼奏清商樂自奉養甚厚又餌雲母  
粉為方士術延年其戰善避稍每單騎入賊雖群刺  
之不能傷又能奪取賊稍遠刺之齊王元吉使去刀  
其之較敬德請王加刃而獨去之卒不能中帝嘗問  
奪稍異避稍孰難對曰奪稍難試使與齊王戲少間  
王三失稍遠大愧服貞觀十七年詔圖形凌烟閣贊  
曰敬德之來太宗以赤心付之桑蔭不徒而大功立  
君臣相遇古人謂之千載顧不諒哉

五代唐

周德威列傳

五代史

周德威字鎮遠朔州馬邑人也為人勇而多智能望  
塵以知敵數其壯貌雄偉笑不改容人見之凜如也  
事晉王為騎將稍遷鉄林軍使從破王行瑜以功遷  
內衛指揮使其小字陽五當梁晉之際周陽五之勇

聞天下梁軍圍晉太原下令軍中曰能生得周陽者為刺史有騎將陳章者魏夜又常乘白馬被朱甲以自異出入陣中求周陽五欲必生致之晉王戒德威曰陳夜又欲得汝以求刺史見白馬朱甲者宜善備之德威笑曰陳章好大言耳安知刺史非臣作耶因戒其部兵曰見白馬朱甲者當佯走以避之兩軍皆陣德威微服雜卒伍中陳章出挑戰兵始交德威部下見白馬朱甲者因退走章果奪稍急追之德威伺章已過揮鐵鏈擊之中章墜馬遂生禽之梁攻燕晉遣德威將五萬人為燕攻梁取潞州遣代刺史內外蕃漢馬步軍都指揮使梁軍舍燕攻潞圍以夾城潞州守將李嗣昭閉城距守而德威與梁軍相持於外踰年嗣昭與德威有隙晉王病且革語莊宗曰梁兵圍潞而德威與嗣昭有隙吾甚憂之王喪在殯莊宗新立殺其叔父克寧國中未定而晉之重兵悉屬德威於外晉人皆恐莊宗使人以喪反克寧之難告德威且召其軍德威聞命即日還軍太原留其兵城外徒步而入伏梓宮前慟哭幾絕晉人乃安遂從莊

宗復擊梁軍破夾城與李嗣昭歡如初以破夾城功拜振武節度司使同中書門下平章事天祐七年秋梁遣王景仁將魏滑汴宋等兵七萬人擊趙趙王王鎔乞師於晉晉遣德威先屯趙州東梁軍至於柏鄉趙人告急莊宗自將出贊皇會德威於石橋進距柏鄉五里營於野河北晉兵少而景仁所將神威龍驤拱宸等軍皆梁精兵人馬鎧甲飾以組繡金銀其光曜日晉軍望之色動德威勉其眾曰此汴宋傭販兒使踰其外耳其中不足懼也其一甲之直數千金得之適足為吾資無徒望而愛之當勉以往取之退而告於莊宗曰梁兵甚銳未可與爭宜少退以持之莊宗曰吾提孤軍出千里其利速戰今不乘勢急擊之使敵知吾之衆寡則吾無所施矣德威曰不然趙人能城守而不能野戰吾之取勝利在騎兵平川廣野騎兵之所長也今吾軍於河上迫賊營門非吾用長之地也莊宗不悅退卧帳中諸將無敢入見德威謂監軍張承業曰王怒老兵不速戰者非怯也且吾兵少而臨賊營門所恃者一水隔耳使梁得舟楫渡河

吾無預矣不如退軍部邑誘敵出營擾而勞之可以策勝也承業入言曰德威老將知兵顧無忽其言莊宗遽起曰吾方思之耳已而德威獲梁遊兵問景仁何為曰治舟數百將以為浮梁德威引其俱見莊宗笑曰果如公所料乃退軍部邑德威晨遣三百騎叩梁營挑戰自以勁軍三千繼之景仁怒悉其軍以出與德威轉鬪數十里至於邠南兩軍皆陣梁軍橫亘六七里汴宋之軍居西魏滑之軍居東莊宗策馬登高望而喜曰平原淺草可前可却真吾之勝地也使人告德威曰吾當為公先公可繼進德威持馬諫曰梁軍輕出而遠來與吾搏戰其未必不暇齎糧糗紱其能齎亦不暇食不即日午人馬俱飢因其將退而擊之勝諸將亦皆以為然至未申時梁軍東偏塵起德威鼓譟而進麾其西偏曰魏滑軍走矣又麾其東偏曰梁軍走矣梁陣動不可復整乃皆走遂大敗自鄆追至柏鄉橫尸數十里景仁以十餘騎僅而免自梁與晉爭凡數十戰其大敗未嘗如此劉守光僭號於燕晉遣德威將兵三萬出飛狐以擊之德威入祁

溝關取涿州遂圍守光於幽州破其外城守光閉門距守而晉軍盡下燕諸州縣獨幽州不下圍之踰年乃破之以功拜盧龍軍節度使德威雖為太將而常身與士卒馳騁於矢石之間守光驍將單廷珪望見德威於陣曰此周陽五也乃挺槍追之德威佯走度廷珪垂及側身少却廷珪馬方馳不可止縱其少過奪捷擊之廷珪墜馬遂見禽莊宗與劉鄩相持於魏鄆夜潛軍出黃澤關以襲太原德威自幽州以千騎入土門以躡之鄆至樂平遇雨不得進而還德威與鄆俱東爭取臨清臨清有積粟晉軍餉道也德威先馳據之以故莊宗卒能困鄆軍而敗之莊宗勇而好戰尤銳於見敵德威老將常務持重以挫人之鋒故其用兵常伺敵之隙以取勝十五年德威將燕兵三萬人與鎮定等軍從莊宗於河上自麻家渡進軍臨濮以趨汴州軍宿胡柳陂黎明候騎報曰梁軍至矣莊宗問戰於德威德威對曰此去汴州信宿而近梁軍父母妻子皆在其中而梁人家國繫此一舉吾以深入之兵當其必死之戰可以計勝而難與力爭也

且吾軍先至此糧糈具而營柵完是謂以逸待勞之師也王宜按軍無動而臣請以騎軍擾之使其營柵不得成焦爨不暇給因其勞乏而乘之可以勝也莊宗曰吾軍河上終日待敵今見敵不擊復何為乎顧李存審曰公以輜重先吾為公殿遽督軍而出德威謂其子曰吾不知死所矣前遇梁軍而陣王軍居中鎮定之軍居左德威之軍居右而輜重次右之西兵已接莊宗率銀槍軍馳入梁陣梁軍小敗犯晉輜重輜重見梁朱旗皆驚走入德威軍德威軍亂梁軍乘之德威父子皆戰死莊宗與諸將相持而哭之曰吾不聽老將之言而使其父子至此莊宗即位贈德威太師明宗時加贈太尉配享莊宗廟晉高宗追封德威燕王子光輔官至刺史

明

### 吳孝子傳

編修馬昇

吳順字孟高性淳謹不事表暴嘗曰經義始於親喪葬先於孝人弗知孝何以為人子耶於是克供子職母氏早逝家且窘賈薪為業奉父添祥益謹三十餘年未嘗一日稍怠父遭傷寒疾七晝夜祕結不得通順舐殺道奠卒出又患瀉痢順聞奠苦可治夜禱北辰取膏之味苦澀求醫得差父思難雁時三月忽難飛入其家補烹食之遂愈壽九十一卒葬八里原順廬墓側年亦七十矣鹽醬不入口員土封塋朝夕悲恸不衰數日有慈烏百數飛翔繞墓哀鳴之鄉里咸謂孝感所致順之異人也不以炎而耐寒而棄海令其嗣顛習諸藥袍舍人多德之具先世本雷氏江右撫州臨川人壻於吳從戍朔州衛自添祥始云論曰惡不潔而掩鼻情也嘗親奠如飴非誠於孝者能之乎雉不蓄於家而自至以供食非孝誠之所感歟吳孝子吳古點妻王祥同心合符而所行所感慕之此其誠能動物也後世魏鋤德色人也而虎狼之不若聞順之風寧不惕然有愧於中也夫



雷節婦傳

待讀 徐穆

雷貞婦高氏者雷頤妻也雷高皆朔州人雷隸尺籍貞婦自歸雷氏即知孝事舅姑順承夫子意既數年夫卒於疾貞婦年二十餘膝下惟一女甫晬貞婦痛夫早逝哭泣過哀勺水數日不入口屢絕而復甦曰吾夫所天何生為每持尺組欲自經輒為家人覺不得死自是防護惟謹貞婦乃改心夫天曰吾即不死吾養吾舅姑待其終吾撫吾小女子待其嫁不亦可乎君既久里姬間以他適覘其意貞婦慟曰天乎此言何為至於我哉叱其人以去尋剪髮自毀其形由是覲覲者息靜居一室早作暮輟紡績織經以營衣食事舅姑必敬必戒女子教以女工不使頃刻離左右後舅姑終女子亦長大送終擇配之事舉得其宜成化壬辰貞婦年踰七十有司始具其事聞於朝事再下審覈不誣乃詔旌其門又數年貞婦以壽終年七十有七成化丙申歲也又二十有九年為弘治甲子貞婦從子嬰為太學生始來請予文將存諸乘以

信久遠予樂道人之善又職在史官乃敘而傳之贊曰貞婦生長庶姓日不知書朔方又邊鄙用武之地其人多戰鬥輕生關略跌宕廉節謹愿宜若不屑而貞婦所立乃若中州衣纓之女素閑詩書之訓焉者是固貞婦天性所鍾特立不群而國家闕維之化無遠弗被亦因以可見焉而世之言守節者必曰有子有子云者蓋以繫其心於今日主其祀於後日也貞婦一女笄笄孺弱雖有不能必其成既成不免命之嫁老復一身四顧無人視其他難易較然矣然則貞婦固可使之無傳哉固可使之無傳哉

倪烈婦傳

萬曆年

朔州知州

翁應祥

常熟人

嘗聞婦行有節烈兩者曷分焉節者矢志於永久烈者激發於一旦二者均難而烈者又難之難矣余侍鄩陽無尺寸可自効獨矜矜一念欲仿古儒先之為治以勵風俗興教化為主因按是書見有烈婦倪氏者為里中豪楊一山以姦事逼死意甚壯之曰異哉天地間正氣有若是乎於一山不覺髮豎而背裂於

氏不勝挑脫而傷心也雖當道已表其廬宜上其事請旌於祠而貼且有待先用紀其事於石勒之志乘以照示未茲抑顯微闡幽固司風教者責也為作倪烈婦傳 烈婦姓倪氏氏族無考適弼之留城村人廬天寶廬本名族甲第蟬聯代衍詩禮以故笄幃之流亦多以節烈自命者天寶素貧明農為業家詳臧獲時雷鎰耕值天寶他往氏親攜酒脯以犒田者歸遭楊一山於道一山者張蔡莊人距民居四里而近其人性輕佻又年少未偶覘婦有姿綏綏之態不自禁止以為是桑間濮上也於是乘氏獨行強拉苟合氏駭且怒厲聲叱之曰古稱男女別於途何物狂奴輒敢爾耶我良家女義不受辱寧死不悔時山恃之急氏拒之益堅以弱女子其強有力者抗而山淫心如火惡性如醒盡力相加扼氏仆地裏衣盡裂幾毀肢体氏苦相持不得解去大聲疾呼震動遠邇有盧自強者亦天寶族也適借里中兒禱於龍神廟聞之率眾踉蹌赴救乃縛一山廟中而縱氏令脫歸當是時氏之不死於一山者一綫耳既歸意色慘沮愆

忿不自得姑牛氏驚叩之泣道所以且白以願就死狀姑曰而休矣苟不自點何苦為且我老人尚在必欲死者獨不念我及爾夫若子耶氏唯在天寶歸泣訴如初寶亦慮氏之死也母子相與密守之一夕就寢而氏解衣帶難經死矣家人亟呼救之不活年僅三十有二時神廟之四十五年六月五日也盧訟於監司檄收守柳公捕一山庭訊之時厥父繼榮尚詭詞為解曰氏行道溺水吾兒手援之結一處非有他也柳公細加詢問且躬自按行其地悉平坦絕無溝壑繼榮語塞一山亦叩頭伏罪曰惟大人命余實不良以污本婦何辭焉獄成以姦殺論死時論快之至今二十餘年凡直指使與司寇大夫先後讞者不曰婦自經有餘馨則曰貞烈可做冰霜不曰對夫姑而明志則曰甘投繯以潔身素續昭昭播在人耳孰不知有倪烈婦者野史氏曰氏之死烈矣當其邂逅狂且以死相拒毀裘衣而不顧被楚毒而不惜正氣錚錚凜不可犯猶曰通都孔道懼屬耳目焉且卒然相遇於草野之間非有援琴之挑故為投梭之拒或

亦人情所能也迨其幸脫歸家姑與夫更相慰勞膝前捉抱子又呱呱泣也斯亦可已矣畢竟暗室掩斷之古有斷臂明心者不得專美於前矣今奸徒雖已伏法烈婦猶且含冤未得尺一之詔以慰貞魂地下誠為缺事每見觀風使者詰訪節烈下令實之故老輒無以應嗚呼孰有貞烈如氏者顧不以被旌揚之典哉其拒楊於途也為貞夫之慷慨其就死於家也為有道之從容吾於烈婦不能不三致意云

國朝

馬節婦傳

順治年

應州知州

岑紹祖

以人與其事傳者傳信焉疑則否傳大焉細則否今馬氏婦之節業信諸朝矣其幽若軼行或為野史家乘所不載故不蕪持於後人之傳之也馬節婦孟氏者廣文公孟繼道之女郡人呈池馬公之室也幼而

端慧廣文公甚異之笄而歸馬氏勤婦道未幾而呈池公見背孺人年甫二十截髮毀容誓以身殉忽自念曰吾一日為未止人則一日之事尚在我我即死而毫章任堂誰為余以婦事終子事也藐孤在強誰為子以母事代父事也廼疾起而襄大事謹含斂畢即麻經操作為馬氏立門戶雞鳴滄瀛縫紉百勤於平日之所以事姑者曰吾姑耄而喪子隱感滋甚少一失權吾即負不孝名將何以見止人地下也因日撫其二子而祝曰馬氏所不即墜者恃此一點血耳失怙之子人母多驕穉之他日或欺檢喪且墜其先緒其與於覆宗隕祀者幾何且敬子者博一科第易成一名行難吾殊不欲以科第薄待吾子也必使吾子為名儒為端士於是為二子擇師傳謹交遊脩服飲食皆出諸針綵線腳之餘今伯子聲振藝壇仲子以春秋舉於鄉為一時名士或慰之曰母氏教子之功信矣母嗜嘍不自安曰吾平日所期待吾子者高不止是傳者曰此真不愧為子與氏之母也母氏有懿節有大志此不特以婦節傳并以賢母傳也先是

余刺應破事居邸余友馬仲君投刺見察其容動  
類有請者而未出諸日辛卯歲復謁余於署因持孺  
人狀而泣曰吾母氏一生苦節甚不欲博文人顯者  
一言之譽而取吾子之質言以為信誼毋辭余謝之  
曰吾亦人子也傳人母無異於傳吾母取信焉耳不  
文何害謹節其始終而紀之因有感於己丑之事時  
雲帥叛朔有党逆者大兵一夕攻克之全城被戮是  
時馬君先載母躬耕就養於鄉以是獲免於禍或曰  
馬氏有隱德焉神告之矣茲殆母氏之節與馬君孝  
誼之所感也夫贊曰為人婦者事視諸子亡人不吊  
其生死之曷終始之事死事吾得而委諸含煞盡  
狄猶萋萋者爾天佑哲人其載吾宗而全之也其更  
昌大之也

### 馬節婦孟氏傳

知州

許汝都 嶺南

節婦孟氏者廣文先生孟繼道之次女也聰慧端淑  
動應女史符歸郡人馬呈池荆布力作操家東槁噉  
如也無何而呈池見背年甫二十輒欲以身殉誠者  
止之曰立節得矣如耄章與諸孤何乃強起而裹大  
事事畢簪珥解盡而家益窘節婦織紵不輟手以給  
饗食自啖藜藿留甘旨以奉老姑訓子嚴肅為擇名  
師嚴課程晚則短檠伴讀不使有暇晷修脯皆出自  
刺繡所得由是伯子蜚聲藝苑仲子以麟經魁多士  
非含熊畫荻之勤何以至此先是郡之顯者慕其賢  
託冰人委禽焉節婦截髮毀容哭而誓曰天乎此言  
胡為至於我哉吾乃未亡人所不即死者為姑其子  
耳吾豈失大義哉自是求者始絕跡其貞潔嚴厲有  
如此者至於待妯娌御諸婦馭臧獲恩義兼至又其  
餘事焉有題者曰三冬雪髮勤荻畫數載冰心泣柏  
舟余改之云教莖鷓鬢如霜潔一點冰心對月孤節  
婦今六十有二矣直指使者已舉其事以聞命下詔  
旌表其門余適有宣大之推且行矣  
聊書數語以俟後之纂修郡乘者

### 僉事楊公傳

康熙年

萬如濟 淮陽

僉事楊公逵者開封太康人也字羽儀一字三山公  
生而端嚴言動不苟既長受書見古人忠孝大節  
心慕之常掩卷嘆息以不及見其人為憾間有所感  
見之撰述者皆以抒胸中正氣便有以扶名教植綱  
常為己任之意既補博士弟子員聞雍邱劉文烈公  
講學里中往從之遊文烈公不輕許與頗獨謂公善  
也既拜文烈公去讀書家園岳峙樓中堅苦刻厲寒  
暑不輟除晨昏定省外未嘗下樓數年而學以成遭  
明禾兵亂不獲用世國初詔選士充成均學使者  
遂首拔公入太學卒業授大同南路通判駐防朔州  
朔故邊邑重以喪亂後人民流散戶口凋殘公多方  
撫輯民賴以少蘊無何逆將姜瓖反雲中遣其黨跳  
某攻朔朔守將張英有異志公覺之密與同事謀誘  
英囚之以忠義激勵百姓令堅守城嘗會議兵情標  
下有康某者帶刀怒睨公公知為英黨給之曰若所  
佩刀良惜我觀乎得康刀即應手刃康於座中一特  
壯公忠膽皆願為死守英子鼓噪內變姚賊攻之於  
外城遂陷姚賊素聞公名欲生之公怒曰我豈從賊

者乎罵不絕口遂遇害時順治五年十二月八日也  
事聞贈山西按察司僉事賜祭葬廕弟還入監後授  
陝西秦安縣知縣公與子故也公居官有德於鄉人  
其遇害也有盧鍾者潛收公屍瘞之朔東郊後五十  
餘年公姪孫走朔謀歸公觀時盧亦物故矣莫得其  
處燈無如何日夜號泣不絕朔序有任希仲者引至  
一處示之曰若欲求楊分府櫬乎此是也當公殉難  
時仲尚未生後從父過東郊父指而示之故猶及識  
如其言得之遂奉以歸葬焉先是文烈公殉甲申之  
難鄉人榮之後五年而公以高弟子與之齊名云  
論曰子嘗聞之陽夏人士公資性剛毅有應變才今  
觀於處姜瓖之事益信惜乎位微任輕不得秉一方  
之政以坐消夫禍亂也然守國扞敵之臣死城郭封  
疆公不愧矣公平生撰述皆散佚不存今所見者問  
青桐音二詩草耳子以其皆抒  
寫胸臆之作也故每樂觀之焉

### 牛孝子傳

雍正

汪嗣聖

士有百行莫先於孝孝之為德大矣盡之於國則動  
天地而降休徵行之於家則感鬼神而昭景福理有  
固然不可誣也余嘗讀晉書至所列孝友諸人無不  
具論即如朔之劉殷幼丁艱酷哀毀逾制事祖母至  
孝至於發三冬之董賜七日之粟至誠所格感動天  
地卒之一門七葉俱興北學殷門為盛光昭史冊於  
今為烈矣茲乃於朔復得一人焉曰牛狀斗名奇雄  
者其先為東勝雲內人明初徙於朔遂家焉大父有  
力公為時名士以明經老父煥然郡諸生醇謹篤學  
里党有長者之目配陳氏生子三雄其長也生而天  
性孝友孩提時即務得親歡心及長閱許魯齋集見  
學者以治生為先數語遂躬親稼穡以給供養力田  
之餘時復橫經深夜篝燈勤於討論久之家漸饒補  
博士弟子有聲庠序間父母深器重之而雄侍奉飲  
食浣濯必躬必親務得其歡心而後已無何父遺疾  
幾不起雄日侍湯藥衣不解帶者兩月餘每夜禱北  
辰祈以身代更泣懇於城隍廟曰奇雄兄弟三人雄  
有子可以承祀雄死有兩弟可以代養若父有不諱

則雄與兩弟俱靡瞻靡依生亦何為願以雄算活吾  
父未幾父霍然而起果獲瘳蓋誠孝所感也久之父  
逝雄柴毀骨立痛不欲生喪葬悉遵古禮無豪髮憾  
與妻孫氏事母陳氏已養備至時依依侍側與孺子  
時無異也無幾何母亦下世雄哀痛固極與喪父無  
異而春秋思慕垂老不忘有風樹摧心寒泉沫泣之  
痛焉享年八十一歲臨終子孫環繞訓之曰人生大  
節惟忠與孝而孝即忠之本也兒輩其勗之言訖就  
枕未安而歿歿之日城鄉皆為流涕私諷為孝恭先  
生云余惟朔之孝子劉殷既專美於前而奇雄復嗣  
徽於後誠孝所格有感必徵古今一致安見其不相  
及乎余粒朔九載稔知有牛孝子欲為作傳以標至  
德而卒卒未能今編纂州志覽其懿行有  
餘慕焉因為紀其大畧以俟後之採風者

郭節婦傳

雍正

汪嗣聖

甲令婦人守節自三十以內至五十外始得旌其畢  
生艱苦得邀朝廷之卹典斯已難矣幸而潛德幽光

不終泯滅傳及子孫通籍於朝得以上用則泉遂已  
宮不及身被其榮矣求其壽考康強躬膺旌典烏頭  
雙闕照耀里閭共日月爭光者未數數然也子代履  
翔寧九載於茲稔知盧氏世有令德明萬曆間有烈  
婦倪氏不受強暴之汙決志投繯雖未得遂綸誥以  
慰貞魂而前刺史翁公為傳以紀其事郡乘有先焉  
今其孫國子生之治之妻郭氏獲以節義聞異哉盧  
氏一門乃有兩賢婦哉先是雍正元年  
今上以致治之要首在風化諭禮部傳諭直省督撫學政  
搜羅孝子節婦題請旌表使僻壤窮鄉匹夫匹婦之  
菽水養親柏舟矢志者皆得異於旌獎之例甚盛典  
也於是州之士夫耆老皆嘉氏之苦節教子有成錄  
其事以告於州因得上之當事以聞於

朝遂奉

首旌表如例建坊梓成皆賀闔郡榮之乃其子植表揚之  
心未已也復請余作傳以志不朽嗚呼氏可謂節婦  
而植亦可謂孝子矣按氏為郡世族年十五歸之治  
遠巡婉婉居然有大家風逮事孀姑曲盡孝養家故

貧以勤儉相夫龜勉有無衣裳饋粥悉從十指出無  
何良人遺疾奉湯藥罔效遂不起氏擗踊絕粒誓不  
欲生其姑止之曰若即死獨不念耄姑與弱息耶乃  
杖淚勉進一勺稱未止人當是時年甫二十七歲死  
夫所天家益落氏工事孀姑下鞠幼子凡門戶賦役  
及屢吊賓客之事皆棧搨力辦子植稍長令就傳嚴  
立課程晨出暮歸深夜篝燈伊吾不輟於是植讀書  
能文以康熙壬戌補博士弟子蜚聲庠序間氏顧而  
喜曰未止人可以謝吾夫矣惜其不及見也蓋植自  
一歲孤以有今日者皆氏之力也而氏自守節之後  
得膺錫命以傳令名於不朽者則孝子之心也計  
氏二十七而寡距今癸丑年六十七歲守節四十年  
此四十年中集蓼捋荼搗柱門戶夫子之宅兆待氏  
而襄孀姑之窀穸待氏而啟窀穸之室家待氏而成  
艱難辛苦一身備嘗辛之家日昌而身壽考長子孫  
崇臺棹楔以耀後世而垂無窮天之報施節婦為何  
如哉夫閨幽芳勵未俗司風教者  
之責也予故撮其事實而為之傳

傳誌

碑誌銘表

明

奉政大夫山東按察司僉事盧公神道碑

嘉靖年

鄭本公

嘉靖丁酉八月癸亥僉憲盧公卒於山東泰安州分  
 司行臺子孟甫扶櫬歸里卜以次年戊戌六月念日  
 葬於城西南里許先塋之次持伯氏狀來請余文為  
 碑銘予與公姻家且同年察友誼不得辭謹按公諱  
 問之字宗審別號裕齋世為朔州高里雷城村人始  
 祖用高祖貴曾祖輝俱不仕祖文盛妣李氏以謹厚  
 稱鄉里間多隱德人無知者考諱鼎博學篤志登鄉  
 薦任白河合以公貴贈四川道監察御史妣支氏封  
 太孺人實生公性敏悟偉然玉立望之可占為賢貴  
 人於書無所不讀為文操筆立就補郡庠生中正德



癸酉鄉薦聯登甲戌科唐阜擢進士補嘉縣令彙為  
畿輔廉邑多中貴人最難治公下車游刃恢恢甫三  
載遷四川道監察御史論事不避忌諱風裁凜然初  
按甘肅用法嚴且持大體時回賊寫一虎仙逆黨繫  
獄久不決公按法戮之以邊功陞俸一級繼巡浙威  
聲懾鎮守太監不敢為民害地方頗馬尋入本科專  
掌都察院奏續都御史拱手仰成朝廷新建四郊命  
公董其役事竣遷大理司右寺丞審兩法司獄無冤  
聲然公素守正不阿當道者忌之以是左遷河南府  
別駕上官以公先任九卿不敢煩以有司事公亦闔  
門養重越二年忌者去公論復明始起為山東按察  
司僉事執法如為御史大理時士大夫方仰公不日  
超擢展平生抱負以霖雨蒼生柰何一疾遂不起耶  
公生於成化乙巳享年五十有二卒之日乃其生朝  
也異哉公昆弟五人兄學之任東平守弟思之辨之  
務農行之業儒女弟二長適生員劉緜次適生員楊  
敵配王氏涇府伴讀汝梅女封孺人子三孟甫仲甫  
俱業儒季甫任鴻臚寺序班孟娶劉氏王氏仲娶姜  
氏季即子壻孫男四曰杭州中州早殤曰徐州聘子  
姪孫女曰嵩州孫女四俱幼嗟夫子自弱冠與公處  
到今三十餘年見其孝友忠信坦蕩樂易且長才大  
器雅量高節心竊服之使不遭中躓當登高位道行  
天下光溢鄉邦不但如是而已可惜哉然而名遂功  
成光前裕後有子有孫以繼志述事亦可以無憾矣  
錄曰人可以自致者行也不可以預期者命也處有  
鄉評任有公論公之行吾所知也伸于既屈折于方  
興公之命吾不可知也堪為大官而止於五品宜享  
上壽而厄於五十是果惠迪者不必皆吉從逆者不  
必皆凶也抑謫仙限滿而復升白玉樓  
城而見召耶嗚呼夫子必居一於此矣

奉政大夫浙江衢州府同知孟公墓表

嘉靖年

高 嵐 郡人太 學生

公諱周字宗魯世家東勝人其先有諱大芳者國初  
遷於朔生賜賜生真真生祥配荆氏正統己巳子月

望日誕公丰儀秀整容而有別少游庠嗜學所坐木榻幾穿問學必邇源委詩文直趨古人頌成化丁酉鄉薦遊太學友海內知名之士如白岩喬海濱王遵州孟皆契交也初尹閩鄉迎母棧養官舍胡望為諸生講解課農桑勤息尤加意窮獨時有暗獄公聞闕引咎會蛛緣縷上遂緝朱英果中歲餘時和人安刑清賦足按治者連獎之鄰邑元老許公何公見輒以召杜目之翰林張公天瑞亦有閩鄉似武城之句尋遷漢陽府別駕去之日百姓攀轅卧轍借寇不得乃為立去思碑於縣治至楚下車甫浹旬而除大奸人憚之江水為患公為文以祭而江水安瀾太守蔡公欽之曰府有人矣時水盜羣起公隨巷設閤金鳴為則一夕而就禽者三百人船七隻境土肅清待御翁公以聞擢衢州府同知公材調益展愈出愈奇衢縉紳撮其政教之美形諸歌咏旋以陟岷念切白諸當道得請即戒舟北歸願其堂曰晚翠有九旬慈母榮花詔七十愚兒戲彩衣之句晨夕十子九孫環侍讀書約歸田士夫為蔬會器食悉遵司馬條約酒酣真率有洛下之風晚益放蕩於洪濤山水間行吟自放可謂風流人豪也配李氏封孺人山陰令珪孫女先歿繼娶鄭氏安化公女張氏溥惠公女二孫女十曾孫男二曾孫女三以是年四月念日歸窆於聖佛崖祖塋之次將伐石以表其墓而來請余文以識余惟公之學行顯於鄉文章顯於國政事顯於三省皆可傳也因為撮其治行之大者書以遺其孫俾鐫諸石以垂不朽焉

明待贈奉政大夫閩公墓表

萬曆年

刑部主事汪煥進士

閩公諱東鈞字克肖家世朔郡人去長城下不遠一舍當嘉靖間北邊烽火數舉歲無虛日居人遷徙不常公先世家乘坐坐是散逸世系靡得而詳云蓋至於公之父英配盧生子三長秉彝郡諸生次秉性次即公生而丰姿奇偉方在襁褓中望之灼灼然與羣兒特異稍長博涉羣書以周易補郡諸生公既治周易

知名請生問雅不欬為章句俗學下惟潛心如前史  
所述董仲舒治春秋三年目不窺園務殫其精微乃  
止蓋為學篤志類如此其發為文章則又爾雅淵博  
不斤斤襲口吻陳言往往能吐洩其胸中所獨得乃  
竟屢試艱於一過則慨然曰生乃不得游大人以成  
名樹尺寸當世乎於是愈益力學不置隆慶庚午比  
部君舉於鄉公乃驟然喜以謂自吾白首窮經不能  
遇過乃在兒曹於是不復攻舉子業又七年而公卒  
萬曆丁丑五月二十五日也時年六十有七公性孝  
友父母昆弟無間言其持已莊正擇地而蹈鄉鄰有  
為不善者懼公之知以為恥然公外方嚴而中寬恕  
諸凡與公交游者靡不愛之慕之公所謂有道仁人  
也豈獨擅長文學已耶公配閩人女高孺人亦以嚴  
持家自公卒後孺人約諸子無墮其家聲而戌比部  
君初受維揚別駕則請奉孺人往孺人曰若倖郡四  
千里外乃能攜家哉若行矣吾率若婦子家食第無  
內顧而勤主事又三年遷華守則又請孺人往則又  
辭又三年遷今官先是比部君在維揚時三年報最

入藏於太率例得以發其終然比部君株守不  
走當世無有為之緩頰者竟中止又守華則又  
報績輒遷去蓋比部君勉居郡國幾十年二尊人  
寵闕如也比部君過家若久依母勿出孺人亦  
責之乃不得已勉之官明年丙申六月十二日  
卒時年八十有四子四長汝乾宛平丞偕孺人  
汝坤即比部君次汝器汝麟郡諸生先公與孺人  
卒女三汝乾等子若女不具次初孺人之訃於  
也此部君蓋不勝哀毀已乃語余曰自先大人即世  
孤兄弟實母是成迄於今孤時時夢寐母訓猶凜凜  
有畏心云蓋公與孺人天都勤與儉教家而嚴憚  
和之故成其子者如此奈觀比部君歷郡國以及郎  
署不可謂不漸顯庸矣然布衣蔬食與寒士亡異既  
以孺人命不攜家乃獨一主一僕蕭條邸舍中以  
常藉令處之三公公亦寧以易此蓋往歲壬辰大計海  
內羣吏時比部君方為別駕會上詔求真謹清修  
之士自太宰請當事廉公治行能甘清苦褒然首舉  
夫比部君何以能成廉吏名聲施當世無亦二尊人

勤儉朴素啟佐之力居多耶余與此部君同舍習此  
部君甚深兼習二尊人之行故得論其世云乃比部  
君猶若以未及孺人在選褒寵之典不能無威威於  
中余謂褒者孝之顯也行者孝之實也比部君業已  
清修晉行三仕播廉吏之譽無忝爾所生執此以奉  
二親雖冕紳瑜珮會不榮於此矣且以比部君之清  
行異日者樹休嘉之績庶褒龍之典慰二尊人於九  
京直旦暮俟之耳余既為之碑乃作銘焉銘曰其行  
既修其文既蔚藹藉則深遭時則未匪獨誌賢厥由  
內助貞靜幽閑間儀以著亦既宜家閨門惟肅訓繼  
夫君嗣大其淑仲揚於庭為  
王司寇克踐家聲清言載懋

候選別駕副楊恩貢安宇蘇公墓表

天啟

盧時泰

天啟六年歲次丙寅恩貢蘇公謁選天鄉卒於都下  
遐適痛悼冢君學生媚英扶輿歸里安于正寢越明  
年丁卯仲冬卜兆龍澣之陽將伐石為麗牲之碑欲  
表公懿行以垂不朽以予素敦葭莩且同筆研持狀  
索予文為表予為泐然者久之乃詮次其梗槩俾弔  
芳躅者過而式焉按狀公諱恭字治甫別號安宇其  
先雍之武功人後以明興定鼎燕幽徙巨望實塞下  
遂就朔為永基世修德行或勤功旂常或著績科名  
代有偉人緒衍至公王父諱卿配趙氏好善樂施  
稱長者卿生公父三人伯諱惟荅庠生叔諱惟官公  
父諱惟秦號商園性愿慤恬穆幼明經術以例授徵  
仕郎配辛氏係通侯裔天祚德門蘭桂茁秀生子四  
長諱溫庠生仲諱良庠生季諱儉棠棟白眉寔推公  
首頭角嶄然珠光玉潤見者咸為頃倒怕垂紫風期  
日上入龔序年甫十三督學歲校士軒居高等搗管  
攜詞雕龍繡虎且喜讀異書二酉中秘罔不鈎元挾  
奧精抽岫嶼之秘語破鴻濛之奇木天金馬可撫指  
拾也癸卯科以苑經得附薦至丙午闈中得公卷王  
司擬冠多士會遭變失元卷及榜就而卷始獲當事  
者甚為扼腕又作為副車榜首噫才思慇懃文章宗

匠竟厄一第若此哉五色迷日朱衣頽頽所能者人而所不能者天於公益信值泰昌踐祚匝月昇遐今上御極遵遠詔嘉惠學宮恩選貢士補鄉試缺與公資適逢世首膺龍飛謁選天官詮衡要胥所除目為奇貨公素峻直不屑為幕貳折腰滯京邸歲餘白玉樓成修文召至而一疾不起矣病革前二日猶盥沐修整忼慨論列無一俗士呈礙語斗然屬續長安姻契不知所措越廿三日家君喘英行省至擗踊驚悼絕而復甦者數凡盡志盡物次第舉舉殊無播遷狀嗚呼弱冠青衿問閭千里輿輓以還獲首却焉亦難矣哉公天性孝友撫兄弟諸孤若已出賜嫁不恡奩嘗遇事純慤俠烈有國士風讀書聞大旨門下士蜚鴻名者甚眾配孺人馬氏內則謹嚴一德唱隨少君孟光不啻也平時家政井井有條屈公變倍為嚴肅和煦畫荻督諸孤業不少怠生五子長即嶠英廩生娶閭氏次嶠英武舉人娶劉氏三鍾英義攬武舉四嶠英庠生五嶠英廩生娶郭氏意公雖貴志以沒而五丈夫子皆角立傑出聳壑昂霄其所以紹先德而光嗣續者寧有既哉子既表而復為之銘銘曰精明之德渾厚之量鄧林鬱鬱玉山朗朗嗟哉斯人訓俗型方承前啟後一經傳芳潛聞悠悠奕世允臧

勅封徵仕郎禮科給事中盧公神道碑

天啟年

吏部稽勲 孫傳庭 代州人 司郎中 進士

億天啟乙丑春余寓京師獲交仲子司諫君一臂氣誼甚合是歲為公八袞之辰余猶從縉紳請君子後醜金製軸為公壽丙寅余休沐歸里司諫君亦以使命出巡聞周太孺人訃匍匐過鴈門余往唁於蕭寺逆旅中詢公動定健步善飯竊為引慰丁卯余與司諫君諧秦晉之約益悉公饒饒狀固謂期頤可俟越明年戊辰之八月公遽捐館舍矣易箚之日沐浴危坐說者謂仙蛻云司諫君為營兆海吉裏事有日既徵余同年友楊玉斗樞部鏗其藏後走幣及余欲有言以表其行余與玉斗俱稱公猶子何敢辭按志司

諫君始官大行肅將王命滿三載考疏移子公封修職郎行人司行人居亡何給事褚垣恭逢覃恩茲今封均異數也當天啟中朔闖竊擅上威福言路不全一獨司諫君屢上封事以伉直聞人皆謂得力在公之家訓是可以識公之品矣公岐嶷天成彝象鮮操觚甫束髮試於督學臺遷充博士弟子員雖坎壈諸生間每手一卷鏤戶涵泳至老弗疲於凡天人盈虛進止之機宜更批竅深究有所得輒欣欣詔示子姓司諫君成進士寓手書以念祖德戒驕溢為第一義迨躋瑣闥日再寓手書尤以時局臣節斧舌瓶口炯可龜鑑者娓娓剴切言之此固世所推重於公真義方哉公篤於倫常事父母志物兼盡處二兄一弟花萼藹然性甘恬素司諫君乞假省覲及奉使道便子舍稱觴壽公用例製銀緋進公御旋命歷襲有司憲者乞言以乾席重公遜謝曰山澤臞軀柰何煩使君賓禮竟不赴他或以居間私謁請其揮拒特峻拜封命若而年散步閭巷不辨其為貴人父任有祿俸圖書芙蓉履脫粟匡床蘆被晏如也至於急人之急則不少繫恠三黨與所識故人墮窶恃公為蔽曰吾以砥礪錕鍔奴虜者初公偶出遊道獲武姓者之遺金不啟視立召還之司諫君數領皇華公執手丁寧惟僕馬供億之苦辛為驛路軫懷嗟天彼道義一介而澤被匹夫匹婦者何人哉惜公之不遇也盧之先力田野鹿而已公王父忠始徒經學即數奇未預通籍顧人長者以善慶垂裕後昆父貞之世標通德之衛茂族若王父行白河令鼎諸父行東平守學之侍御史問之相繼登科第門閥有聲公諱淳子厚其字號春臺遐齡八旬有三康健考終生於嘉靖丙午十一月十七日卒於崇禎戊辰八月二十九日元配潘贈孺人生子女各三繼劉又繼周無出於是年十一月二十七日而葬諸淑配合祔禮也子時雍時泰時育泰即司諫君丙辰進士雍有各由茂才高等毓廩學宮進取未艾女俱天孫七人鍾錕錡鍊錦鏡鈿長而文俱廩生餘習舉子業公課之讀無間寒暑非遠丙夜不輟封胡羯末彬彬稱國器也鍊聘余息孫女十一各適大人名家子孫繩祖續祖凡二墓在城西

南相塋之次余不佞嘗論次古人如公家允言玉川  
照郡諸君子固自代不乏人乃大曆之才確矣德望  
未必子維城之操潔矣子孫未必賢典籤之知遇蚤  
矣壽年未聞有永次者走捷徑號多田與夫朱崖相  
業未免重少府之感夫夫可同日語乎允如公之高  
誼綴以博史不將頌頌曠昔炳燿譜乘耶媿余非其  
人耳辱在葭莩謹揭諸大節著於麗牲之石俾過公  
墓而式焉若夫司諫君進而巧詞苑鉅公秉椽筆以  
立言為公傳儒林傳耆舊傳隱  
逸也皆可不佞且願為之執鞭

### 承德郎王公墓表

天啟年

陳朝相

公諱溥偏德父別號靜軒其先雲內人洪武三年從  
朔授千戶侯王大父銳配張氏生椿椿配侯氏生公  
胸羅武庫宿應文昌中隆慶庚午科鄉試累上春官  
不第出宰平涼韓王孫衣租食稅仰給於縣官徵求  
無藝民不堪命前公而理者大都突不暇黜公下車  
儉素自持丰采凜然王亦省駟微樂竟不得暴彼民

保全甚多蓋四年於此矣自呼苗苗難而土不靖重  
兵壓境帑金一空公乃竭俸輸粟助邊援卜武例為  
子補國子生拂袖解組關西父老爭先借越晉秩別  
駕躡泚太守題與趣公卒懸車不就日與二三知己  
載酒元亭尋詩白杜相交權間三十年來朋儕寥落  
公壽屆毫耄矍鑠若地行仙有客造謁尚能為平原  
十日飲晨雞共壺人爭且公興復不淺談笑自若也  
天啟三年十二月初二日無疾而卒太學君文耀孺  
慕終身次子泮遊之報方至目則瞑矣公長孫承使  
君持涼鄉先生川東觀察使孟公所次公行狀河南  
大中丞周公所撰公墓誌徵言於外史氏曰曾大父  
有命敢以墓表為請史氏曰余在諸生中辱公青眼  
復忝公瓜葛敢謝不敏公家世溫飽年高而德即身  
其康強善始而令終屈指里中先達海內名公敏時  
五福如公者有幾人哉余讀史至房善謀杜善斷其  
子若孫俱不肯一杯之土未乾松楸板蕩大隄豐碑  
沒假而為風雨所薄蝕未嘗不嘆繼起者之無人也  
今承使君乃疇貞珉析表揚乃祖之功德於沒世以

垂不朽王氏其有後乎是宜銘銘曰恒山鬱鬱桑水  
蒼蒼夜臺千仞在彼高岡鳳凰于飛苞采韜光長發  
其祥載  
鳴朝陽

國朝

考授迪功郎閻世芳墓表

康熙年

周桓傑

郡人

閻氏代有令德始祖福德公於洪武三年以軍功授  
指揮司使自東勝雲內徙朔數傳至英生三子長秉  
彝次秉性次秉均俱有聲望秉均子四汝乾宛平縣  
縣丞汝坤登隆慶鄉薦任華州知州史稱天下清官  
第一陞比部即汝器汝麟郡諸生秉性子五惟汝和  
公最少官中城兵馬司亦舉五丈夫子仲子迪吉部  
學生尤好善生男二長應採無嗣次應擢娶陳氏生  
子一俱早世次娶董氏生子諱澤遠即公也當賊臣  
姜瓖脅所轄州縣逆天行事

天兵剽劇羣奸西向問罪朔欲降不得致攻城崩裂大兵

驅進不暇辨玉石男奔女竄尸積血漂是時也公生  
方七歲與母相失兵寇公少未加形載之南行度去  
朔二三百里前阻大河水勢浩蕩如雷吼山崩崖壓  
車渡至中流執鞭者患負重陷溺投公水中公與波  
上下昏迷顛倒自忖萬無生理矣忽聞人覺曰速援  
斯開兩眼止見枸杞一株用手握之須臾竟渡後營  
中嘈雜其聲盈耳云祭旗云試刃公不知誰為主者  
嗚跪跪公顧後光亮如雪望頸骨橫下身隨倒在地  
而其心尚耿耿也伴僵不敢伸縮兵即去有頃用手  
抹頸頭尚未斷試仰身腰背痛極不可忍伏思之乃  
知未嘗見殺蓋殺者用刀背候擊耳自是始不敢隨  
營起居匍匐匿深山巨谷密林叢樹中後隊兵過者  
嚇之曰若非逃亡者乎吾見若矣出則生不出則死  
有同匿者被嚇或出公傲氣息喘不肯出終得匿至  
夜欲行曠野無際未審道當何由仰見月因村曰月  
東升西降我家北追逐雲月可抵家其時金風四起  
夜寒甚困極欲眠斃兵過炊火處伏卧其中鐵無所  
得食即食營馬餘豆或田畔菜根菁頭賴以活如是



者數夜乃救晝行兩足破爛兩腿腫移寸步如割  
不得已過大車過竊坐之御者載去竟將公賣與廣  
武老人為嗣閏三年母探知乃脫簪珥贖公歸比歸  
之日廬舍毀田疇荒豪強乘公弱欲兼併之族人欺  
公孤欲吞噬之以十歲童子而當此內難外侮噫難  
矣哉然公則施為有次第儼若成人長者首大事葬  
父骸先塋次恢復祖業或訴於官或質於親友而先  
人之故物得有其一二乃出負耒入橫經心力俱瘁  
數十年然後由博士弟子貢國學考授迪功郎朔西  
村待公舉火者四十餘家母願而喜曰不圖閏氏子  
復有今日也公舉二男長曰開基以勤儉治家次曰  
開業穎敏善讀書有文名諸孫亦見頭角公尚壯健  
每憶及少長時事痛定思痛一言一淚余與公中表  
姻姪耳之甚悉嘆曰以冲齡弱質遭水火兵戈瀕於  
死者屢矣竟不死矣竟光前裕後門第復大豈  
非天耶微先人之德不及此公享年六十一歲配石  
氏性仁孝克勤克  
儉誠公之內助云

沁水孫訓導孟公墓誌銘

丙戌科 蔚述宗 郡人

公諱以義字敬仲葵軒公長子也其性醇謹事父母  
克盡孝道不形德色于昆弟視親戚之儀之者不啻  
若己憂緩急必有所濟與人交久而彌敬如而安司  
訓趙公鳳儒明經郭公計輩皆幼時同社友終身如  
一日而尤篤于睦族凡本族中婚嫁喪祭屋產土田  
事無鉅細人無少長皆謀之公公視如已事務斟酌  
妥適而後已公之族舊無譜可徵公勤勤懇懇訪諸  
父老擄數十年始得統系原委易稿者數次茲欲修  
家乘而未逮焉聞郡心服公直舉修州誌公隱惡揚  
善悉秉直道而行少遊泮肆力舉業累試輒就順  
治庚寅歲薦初授沁水訓導縣令中州尚公金章暨  
邑薦紳先生王公度張公道湜咸以忠厚長者自之  
未幾改臨晉又攝篆滎河所至訓課有條接物以誠  
士子每去思不能置尋又調夏縣時有致仕程公廷

桂者江左人道經夏一見輒傾倒焉歲己酉以疾卒于官公生萬曆三十年三月五日卒康熙八年九月十九日配左氏生子曰琨垣曲訓導昭歲貢琮庠生玫孫八之鍾歲貢之斌拔貢之斌之鉢庠生之錫之銑之銓之鈞鳴呼公仁厚和平垂裕後昆所當貽者遠矣爰系以銘銘曰維彼壽藏之陽維我故仲長發其祥本支百世斯神之域地靈有待繩繩塾塾

歲進士孟公墓誌銘 康熙年

周桓傑

公孟姓瑛名殿孚字系出代北東勝始祖曰大芳以從戎家朔六世祖周登賢書累官衢州府同知高祖繼科翼城訓導父以禮庠生生子二長琬廩生次公公生甫四歲慈母見背未十歲父又即世依兄嫂衣食或不給伯兄琨補垣曲廣文攜公行公時十五歲念家世讀書已獨廢學懼貽前人羞因辭兄還里攜三字經一卷日吟哦同學輩笑之公志益奮且謂時過始學若待讀四子書成誦然後講明則蒙何日發

爰並講義借讀明歲學時藝輒通小試冠其軍隨補博士弟子自始學至采芹共四載焉迨長尤重品地嚴翼方正一時少年皆憚之間里有負屈者公不畏疆禦務期昭雪而後已繼食隸設絳講席日與弟子策劃析經義承公口授指畫者文或淡遠或宏深或簡與不名一家試輒高等射策金門者數人願數奇屢不利於場屋明經後知不能以文章起家展布才猷頗畱心岐黃之術以養餘年云公於兄弟族人最愛敬教姪如子尤人所難者配蔚氏名門女能以勤儉佐公生四子之銘之鈿之釗之錡孫法孔公生於順治某年卒於康熙某年卜葬立石求銘於余余銘之曰翠屏礪桑乾帶公之精英未有艾迺固迺安子姓永賴

庠生孝子牛公暨碩人徐氏孫氏合葬墓表 康熙年

山東莘縣知縣 王炳日 郡人

公諱奇雄字狀斗其先東陽雲內人明初徙朔大父  
有力為時名士以明經老妣白氏生子煥然郡庠生  
醇謹博學鄉黨以長者目之配陳氏生子三公其長  
也生而有異質喜讀書及長聞魯齋許氏學者以治  
生為先數語奮然為生殖計晝勤而疇夜攻書史未  
幾家果豐腴補博士弟子員雖毅奇未獲大顯然聲  
榮士林者垂三十年性至孝事二人色養備至曲盡  
子職太翁病日待湯藥衣不解帶者兩月夜禱北辰  
願以身代太翁危而復安州守侯公旌其閭曰孝子  
之門郡有五嶽城隍王義白衣大士龍王諸廟年  
久傾頽公毅然解囊修葺備極勞勩廟貌一新郡人  
咸頌公德不衰天好善崇施軫貧起瘠子姓外戚待  
以舉火者甚眾卒之日里黨悲泣私諡為孝恭先生  
云公生明萬曆乙巳六月十三日卒康熙乙丑十一  
月二十三日享年八十有一元配徐氏貞靜有大體  
先公五十餘年卒繼娶孫氏孝敬勤儉與公合德以  
公故哀痛致疾於次年丙寅六月十九日亦逝年六  
十有八子三俱孫孺人出白璋庠生娶王氏繼娶郭

氏曰瓊增生娶盧氏曰珞娶周氏夫婦早卒女二一  
徐孺人出適處士朱祚新一孫孺人出適康生盧標  
二女俱早卒孫二履德璋出業儒娶馮氏謙德瓊出  
幼孫女五俱幼公先塋在郡西曹沙會之北因地狹  
兩嗣君下藏於曹沙會之西以丁卯年正月六日合  
葬而乞余言以表其墓余惟公之碩德懿行在人耳  
目固無俟余之贅言謹撮其大節書以遺其孤俾鑄  
諸石使過其墓者有以式焉乃系之銘銘曰惟公德  
操宜表宅閭惟公經術宜徵蒲車叩園終老未竟厥  
施謚以孝恭誰曰不宜弱兩碩人秉德貞靜持家儉  
勤承夫柔順先後辭世卜藏斯  
吉其固其安同於此室

待贈文林郎庠生厚基蘇公墓碑銘

康熙年

汾州府儒學教授 周翹濂 舉人

歲乙巳余同門友蘇君諱之芬者偁來持狀以年伯  
厚基先生碑銘請余忝叨世譜誼不可辭乃勉為之

按狀先生諱昌字厚基其先雍之武功縣蘇村人也  
代有聞人明興以軍功遷於雲中之朔州遂家焉數  
傳至恭乃其祖也學窮二酉為文章宗匠萬曆癸卯  
以毛經中副車迄丙午主司得先生卷擬元後因變  
失卷及榜就而卷始獲當事者極為太息又作為副  
薦首候選別駕以待除沒於京邸有子五人長嶠英  
康生次峨英武舉人鍾英嶠英庠生岷英康生而峨  
英為先生父以韜畧登賢書為人慷慨好義不侮鯨  
寡不畏強禦有古君子風娶劉孺人舉丈夫子一即  
先生也先生生而穎異倜儻有大志甫冠際陽九之  
厄戎馬蹂躪人人自危孝廉公殞於兵時四壁蕭然  
崔巢庭幕陰房鬼號所存僅先生耳外懼害於橫兵  
內痛割於嚴父腸日九迴淚行萬點此時此景不絕  
如綫賴依姊夫胡公潛出城遁跡山林始獲免焉越  
數月而妖氛靜皇路清先生起視家園伊威蠨蛸  
充于室戶壞瓦頽垣舉目悽愴先生涕泗久之乃毅  
然起曰徒悲無益也於是篝燈展卷勵志詩書苦心  
與愁腸並裂書聲共淚痕俱下未幾學使校士雲中

先生乃登巒序蓋自是而人始知孝廉公有子承學  
不墜焉噫當萬死一生之候零丁孤苦以至成立亦  
已難矣而復能紹書香以啟後昆其才志為何如耶  
先生仁孝性成平生無鏗刺之行痛父遭變每春露  
秋霜拜掃時啼泗橫流悲痛累日教子以義方延師  
講學課文必期純正法古又時取前賢格言以諭勉  
之且曰必忠厚光明始無忝祖訓也性輕財樂施予  
排難解紛以故里閉閭愛而敬之比之魯仲連王彥  
方云歲丁卯長君之芬以範經與余同受知于高郵  
王夫子先生聞之而喜可知也曰令而後吾當以諸  
生老矣康熙四十九年九月十三日以疾終於正寢  
享年七十九歲元配沈孺人無出繼娶白孺人子一  
娶王孺人子二女一娶常孺人劉孺人俱無出長郎  
之芬丁卯科舉人初授曲沃縣教諭今陞陽高衛教  
授白孺人出次之荃康生次之蕙女一適郡庠生盧  
璠俱王孺人出孫元馨府學增生元兆元夢業儒俱  
荃出增孫友軾業儒元馨出噫先生夙陽育業儒俱  
憲出增孫友軾業儒元馨出噫先生夙陽閔凶而先

憂後樂子孫鵲起克拔家聲如是易曰積善降之百祥詩曰貽厥張謀以燕翼子其先生之謂歟乃為之銘銘曰扶風節烈許國文明淵源有自哲人挺生風雨漂搖雷電旬旬大厦將顛獨木支撐承先啟後碩德為英宜爾繩繩世澤崢嶸潛聞一肩而悠遠龍眠福蔭其永正

文林郎王公暉菴墓誌銘

雍正年

舉人李浩發郡人

先生諱炳日字子祥號暉菴其先東勝雲內人也始祖洪武三年以戎功受千戶侯徙居朔遂家焉數傳至高祖溫食餼溫生文燦文燦生敏捷俱庠生敏捷生景龍號天飛由廩生賜贈登仕郎又勅贈文林郎配劉氏勅贈孺人景龍公生子二先生其長也先生生而精敏好讀書少負氣不肯隨俗俯仰所與遊皆當世知名士歲戊午大比先生登賢書其為文絢爛之極歸於平淡一時皆口誦以熟屢上春官不第壬

申司鐸高平講說經義勸勉德行士氣蒸蒸以起歷戊子陞咸遠教授先是咸遠僻陋士無登第者先生至則課藝諄諄不倦諸生食法乳凡得片語隻字者皆蜚聲藝苑已而郭君樹楷徐君倣相繼薦於鄉皆先生之教云戊戌擢山左之莘邑甫下車即興除利藥穀漕糧運米幫費革淺夫挑河私派一時輿情允協歌來暮焉庚子歲歉越間年辛丑正月奉文撥粟賑飢夏六月又奉文大賑其時日夜憂勞忘寢廢食求所以上不負

君息下不失民望者而先生幾病矣壬寅歲又歉民菜色

鳩形相望于道先生為急陳災傷不得請歷雍正元年癸卯撫臺黃公乃發銀四百兩買米賑濟復奏請發藩庫銀八千兩委先生會冠令江公散賑先生逐戶查饑民計口而授惟以不得均沾實惠為憂勞瘁日甚眼將竣又奉調修河工以久疾之身而屢膺鉅任先生於是不起矣先生生於順治癸巳年四月十七日寅時卒於雍正癸卯年五月十五日亥時享年七十一歲先配周孺人為庠生周公諱典女繼配

張榜人為太學生張公諱起鵬女俱無出繼配王  
人為王公諱成阡女生子二長祺生歲貢生娶五  
訓導盧公諱標女次子庠生娶寧城拔貢大同教授  
陶公諱士英女早卒繼娶郡庠生鮮公諱民愠女又  
娶馬邑張公女女一適歲貢生牛權德孫三人璽璠  
棋生出璧身出孫女五俱幼祺生偕弟才扶櫬歸里  
卜吉於甲辰年九月初六日葬於城西青陽嶺之阡  
而求余銘以掩諸幽乃為之銘銘曰公賦異稟特百  
尋常向欲經術班馬文章弱冠登譽高捷文場兩為  
學博訓迪有方負騰請益多士思皇繼擢莘令治具  
畢張拯貧起瘠莫敢怠違憂勞成疾遂至膏肓乃捐  
館舍士民悲傷扶櫬還里卜吉青陽既安且固終焉  
永昌

考授承務郎閣公墓表 雍正

平魯縣 王 杜 會 稽 人 知縣 進士

公諱開基字德昌先世東勝雲內人自始祖以軍功  
授指揮司使始家朔數傳至汝和公伯仲五人俱顯  
達有聲望汝和公官中城兵馬司生迪吉食廩饒迪  
吉生應權應擢生澤遠考授迪功郎生男二公其長  
也少遊泮長援例入太學其品厚重質直坦易中正  
為威鳳為芝草為青天白日雖賢愚皆以為美瑞奴  
隸亦知其清明至出門有功能而斥朋交之非亦能  
受朋友盡言又樂施予鄉鄰有貧乏者屢假貸不厭  
於喪婚大事或不足極力贊之不責償不望報焉更  
有難者公天性孝友事兩尊人備極色養父澤遠公  
以暴疾忽逝終三年泣血以未及進藥至服闋與人  
言輒流涕遇弟開業公友愛尤篤弟好讀書為市經  
史營書舍凡家務難易鉅細及稼穡艱難不以累弟  
務一其心志以就舉子業至冬夜弟每伊吾與發雞  
數唱或未眠公亦不就寢具酒食徘徊書舍外候掩  
卷乃攜入如是者三冬不倦視子姪無貳心姪或有  
疾意懸懸常宿舍旁竟夜不寐聽其動靜啼泣安則  
喜否則憂初公未病子姪輩皆弟教督之及病篤弟

嘗侍湯藥又辦治家務公曰蒙童旦暮師去側則兒戲百出汝茲未遑也速延師可矣病中自再至四無他眷顧惟以子姪輩不得良師為憂及請寧城却君至望見顏色輒喜云得可宗矣公一生不自愛惜雖勞勤輒獨任不辭故公弟得盡心於辭章以文學名朔又未病時常課子姪察勤惰教以親賢務本為事故長姪憲復少採芹次姪式復以選拔登己酉鄉試少姪邁復光復業儒道大進嗣子煥復癸卯歲登選拔公雖未及見要皆公平日教督之所致也公之所以福後昆者正未艾矣余謝事平城適僑居於朔與朔人士相周旋且式復煥復從吾遊聞公事甚悉得備論焉公平日志行遠大居家稍合或勸以廣殖田宅公曰無庸茲只令子弟讀書足矣亂命惟以家庭和睦是囑且曰汝輩處兄弟間要如我兄弟則吾家幸甚始終不及於私云享年四十六歲生於康熙己酉年四月二十五日己時卒於康熙甲午年正月初九日丑時元配盧氏郡庠生盧公顯祖女繼配劉氏并坪歲進士劉公熙元女持家嚴正如公在時

### 待贈文林郎閣公墓表

雍正

周龍爽

郡人副榜

公諱開業字發祥其上世目東勝雲內以軍功授指揮司使始居朔高祖諱汝和官中城兵馬司伯仲五人皆有各蹟會祖諱迪吉廩生好施樂善朔人重之祖諱應擢父諱澤遠以庠生援例入太學考授迪功郎娶同郡石公諱旺女生男二公於倫次為仲自少至長於天地間一切聲色玩好靡麗紛華之物無所係戀惟好讀書終日吟哦廢寢食深探力索務有所得乃已為兒時挾策坐誦或有弄其側者即叱之去始試於郡牧李公愛之甚指目其文高飛遠舉可立待未幾補郡諸生饒於庠然卒躡場屋已卯同考官得公闡義心賞之薦之主司以得之最遲額已定復下第歸至家愈讀書養氣其為文冲和淡穆純粹典雅類有道者之言也鄉後進競師事之公引掖扶持多所成立或家貧不能具修脯公一無所問更於鄉歲試給其資斧不使匱乏至賞奇析疑同人資其益者甚多楊君永盛孟君之鉢尤得力焉公孝友仁厚

不緣讀書充擴然於書中觀前言往行孝子悌弟仁人長者之爭則景慕特至蓋天性然也父澤遠先生以暴疾終常以未得奉湯藥為憾終身飲泣母石孺人患疽發延瘍醫吳生調治吳生者夏縣人善方術其性喜怒不常進飲食至一饌屢易尚未可口一日之間疽倏愈倏否形色不齊公明知其有意顛倒也卒善事之數月無惰容吳生心動予善藥始得全愈公幼承庭訓以讀書顯揚為志雖父歿討論不輟諸稼穡艱難兄開基公經理之兄雅欲成就公志不肯勞公以家務公亦唯兄命是聽壬辰冬兄染病自代郡延醫醫來視脉息散緩云非桂附參朮不瘳公唯唯以中人產市藥餌日費數金幾傾囊篋公力辦之無愴色及病篤又禱天願以身代其至誠懇摯如此無何兄棄世母石孺人亦見背公擗踊城塌哀毀骨立年僅四十餘而視茫髮蒼牙齒動搖旋亦抱病卒公讀書三十餘年未博一第而賣志以歿識者痛之然能以義方教子姪克世其業有青箱黃卷之風以故從子煥復於雍正癸卯考選拔貢長子憲復補博

士弟子員次子式復由戊申拔貢登己酉科鄉試少子邁復光復俱遊庠序諸孫僅五六歲亦能誦詩古人云不於其身必於其子孫今于公益信九原有知亦可以無憾云公生於康熙十四年九月十八日卒於康熙五十七年六月初五日享年四十有四元配馬氏司訓發一公女早逝繼娶超一公女儷公之賢能家教原任文宗今陞翰林院侍讀復巡察山右 勵公賜節著九熊四字以旌之

待贈登仕佐郎周公新捲雙化嶺墓表

雍正八年

閻式復 舉人

郡有新捲雙化嶺之南者為庠生待贈登仕佐郎周公之墓始葬於周家園其捲之歲在庚戌為雍正八年也公諱桓傑字挺生厥初江左蘇州人弘武年始祖以千戶侯從俞大將軍遷朔至公高祖諱勇者始為儒食廩餼曾大父勅封文林郎諱維新由會寧縣尹陞寧夏中衛通判尋轉平涼府同知以德化民祠



名宦大父諱京隱德不仕父諱鼎望以孝聞精書法  
能文章為三學翹楚郡侯方公荆南名士侯公闕西  
孝廉皆自謂學不及敬亭之卒私諡文懿先生生子  
五公其四也少時即能讀父書及長才具明敏料事  
多奇中天性孝友二親先後沒哀毀踰禮雖已除服  
猶悲泣不自勝每遇寒食拜掃上叩墓痛哭長號至  
老不易於兄桓英桓俊桓秀弟桓奇尤友愛肥摯家  
政嚴肅諸子憚之侍食皆不敢仰視至有過必重撻  
曾不稍寬尤於學業勤惰為兢兢嘗教諸子曰古人  
云有三可惜此生不學一可惜此日閒過二可惜此  
身一敗三可惜其言刺骨汝曹識之居室日用苟少  
有必延師置義館教貧人子弟諸子有訓蒙者即戒之  
曰汝曹問學疎淺不足為人師為師必盡心課讀至  
於修金多寡有無悉聽之勿斤斤計較也又曰士不  
通經不適於用汝曹啟蒙務令讀五經至古文時藝  
務精選之門路宜正不宜雜諸子佩服斯言迄今公  
孫子及吾州人凡讀書者知窮經致用學唐宋諸大  
家皆沐公之教澤為多也公於桑梓姻婭休戚相關

有事如已事有急如已急且凡境內公務如建祠宇  
等事公日出而往日入而歸獨任其勞寒暑不辭卒  
年僅六十四云公元配介休孟公女繼娶本郡庠生  
張公諱宗湯女秉性賢淑生子六長龍御次龍德俱  
增生次龍爽康熙庚子雍正甲辰兩次副榜次龍駒  
庠生次龍興廩生季龍錫年最少公疾甫十一歲晨  
興昏臥必問安公臨終笑謂之曰我歿汝作何事錫  
涕泣曰讀書而已年十八能誦五經習鍾王書法隨  
入泮不幸早卒女三長適廩生劉汝培次適庠生殷  
台森次適平魯縣庠生劉秉璽孫十一人道遠業儒  
汝炳庠生龍御出道通道久道赫龍德出汝第庠生  
龍爽出誥廩生禮易業儒龍駒出道裕龍興出道弘  
龍錫出餘俱幼復於公為世戚從公仲子龍爽遊恪  
受公遺誨因卜擇公兆問表於復復不辭淺陋謹撮  
其言行俾鑄諸石庶  
後之君子尚有考也

論著

論議說

論舉業示諸生

雍正

學正

霍連斗

臨汾人

舉業一道前輩若茅鹿門沈虹臺顧涇陽董思白諸先生論之詳矣予末學弇鄙淺見寡聞安敢置一喙於其間然自束髮受書以來濡首於其中者數十年矣敢以生平之所見聞與爾諸生共明之夫文以氣為主而尤貴於有識韓子之言曰氣水也言浮物也水大而物之浮者大小畢浮氣之與言猶是也氣盛則言之短長與聲之高下皆宜蘇穎濱論文以為文者氣之所形文不可以強而能氣則可以養而至歷觀先正名墨其氣度有春容者有凝重者有雄邁者有秀逸者有渾浩流轉者有爽勁圓折者所謂十年讀書十年養氣是也而所云有識者非止識題輕重之謂蓋題中一段精神骨隨命脉必有眼力獨注之處舍毫濡墨直將聖賢神情題目精神盡情披露所謂具古今隻眼者也至於首尾節奏尤貴得機得勢

一蓄一洩一起一伏如神龍變化鱗甲爪牙無不  
動杜少陵論吳道子畫云是旒俱秀發旌旆盡飛揚  
則於莊重之中未嘗不具飛動之致也然非多讀多  
作則機不熟機不熟則有苦心極力之勞而無奔湊  
運用之妙文情安得飛動善乎孫子未先生之言曰  
務學業者宜三多多讀多做多看三者之中多做尤  
要也日為一篇久之可以倍矣日為二三篇久之可  
以無所限矣為之不必有定時興會所至中夜呼火  
可以疾書也為之不必皆大好今日所作明日即悔  
乃為有得也在乎熟其機而已矣雖然有本馬韓慕  
廡先生有言曰文章之要法與識二者而已根於經  
材於史浸淫乎先儒之傳註訓詁微之為性命顯之  
為古今禮樂制度深探力索久而自得而後辭達辭  
達而能事畢矣觀其自叙謂少時在山中於五經史  
記漢書唐宋大家並弘永以來先正小品皆經手自  
抄錄課誦其用功為何如也諸生誠知學有本原而  
取材於經史沈潛乎傳註以擴其識深其養熟其機  
則得心應手投之所向無不如意文場中直擬行矣

議

### 朔官殉城是非議

王 騫

國初殉城者誰明季兵道元之偉

議其是與非也議其是與非何事君能致其身平時  
殫乃心盡乃職宣猷布化和其民人一旦事變當前  
迫於勢屈於力不得已而殺身成仁城存與存城亡  
與亡至死不變此其是也若受

國家封疆之任以撫綏兵民而或以貪或以暴或以刻

生事以激變因而貽害地方殃及百姓一死尚不足

以塞其責况臨難不央求生不得辱身而喪節者乎

則不得不議其非矣余纂朔州志至職官內見前有  
殉城死者詢其軼事傳聞異辭疑信參半訪諸故老  
弗得其詳止聞其畧姑以其時與事畱人齒頰間者  
擬而議之明元之偉四川人進士崇禎間由郎中外

轉朔州兵備道十七年二月闖賊李自成破寧武關  
殺總兵周遇吉兵至朔官民間風喪膽眾議從賊示  
執節守城不下為內叛井坪守備某所害投屍城下  
開門迎賊嗟乎當此之際大廈將覆一本難持此真  
迫於勢屈於力殺身成仁無可議者也亟當表揚以  
為事君能致其身者勸

國朝宋子玉遼東人順治間任朔州兵備道五年十二月  
五日值大同總兵姜瓖之叛疑本城守備張楹與賊  
通下之獄時有新募兵丁雜亂不馴聞姜叛思變羣  
聚轅門外中軍康某帶刀入署宋責其帶刀何為康  
應以有事之際不得不防因舉刀授宋宋接刀手刃  
康仆地康之子在外聞之執刀奔入署門者阻之為  
所傷宋覩其惡狀知不免因自刎死眾兵遂出張守  
備於獄呼總爺張即縱兵大掠而亂成矣噫當此之  
際地方初定人懷疑貳外有姜亂內有不馴之兵丁  
此殆危疑不寧之秋也張守備果與賊通宋何不傳  
城中士民兵丁集於公所宣揚

朝廷恩威示以禍福視眾之意向何如假滿城皆變難以  
言曉當痛哭以感動之若其不濟以死繼之庶無憾  
焉玩康中軍舉刀授宋尚有制於名分不即為亂之  
意何既下守備於獄復手刃中軍以死激成此變耶  
亂兵眾矣宋豈一手所能盡刃耶倉卒不審卒成其  
亂未可謂善處變事者矣然猶見機明決雖死不辱  
且當日情形未嘗目覩未可許其是亦未敢議其非  
也若通判楊猶有可議者楊名遠河南太康人為狀  
元劉理順門人順治丙戌拔貢丁亥來朔州偉幹修  
髻勁直剛方善文藝朔前戍子舉人馬東陽為諸生  
以文就正輒許中式士子多遊其門姜逆之亂康中  
軍之變聞楊同在道署有云康為宋手刃者有云為  
楊手刃者有云宋手刃康於先楊手刃於後者楊果  
手刃康康之子宜報楊何以報宋且宋既自刎楊何  
獨生且得脫身耶有云楊逃入林衙寺佛背後被亂  
兵搜出拉至通衢殺者日久年遠傳聞不一亂定後  
錄死事者 贈其官按察司僉事無子蔭其姪補陝  
西通判亦卒於官至康熙 十 年其姪孫廩生楊  
在忽來朔收骸骨述其家有老婢曾從至朔屢夢楊

手書一卷執板打其嘴醒而猶痛令說其姪孫詣朝收其骸及至訪其瘞處聞死之日有盧宦之子貢生錘以板束其屍瘞東閔外道側復有人曳其板碎其腿骨者盧遣僕以牆壓之此五年臘節日也東鄉有生員任曾受其教每過道俯指其子曰此楊公瘞處也輒遣拜之之數人者皆物故因訪及盧之孫貢生標馬舉人之子若孫武生存一與元誦任之子希仲即其地掘之殆遍卒不得其屍盧為之扶乩得射有似乎君子句以下有失諸正鵠為不可得矣而不知應在反求諸其身也其姪孫先痛不欲生衆相勸解製帳招魂望而祭畢治衽將歸忽夜夢楊露半身出地中曰我在這裏覺而彷彿其境次早復同衆至東閔外覓之隨有小旋風引至其處掘不數尺得其骨姪孫在刺血滴之輒入頭顱有刀砍痕腿骨不全姪孫大哭衆皆泣下得載以歸事亦奇矣嗟乎楊之英魂歷久不散可謂死而有知矣第當日者宋為監司不能防憂患於未然王為民父不肯寓撫字於崔科皆旗人用威者也楊以中州名士任別駕處上

下之間不調停之而依違焉非明哲保身者也既不慷慨以殺身復不從容以就義也何為其或衆脅為逆而不從而殺焉抑未可知也由今追昔埋屍有人拜墓有人歸骸有人致祭有人皆受其教故具澤者而當日殺其身碎其骨者必其讐也恩怨二字何其分明若是耶至知州王則不能無議矣王名家珍遼東生員以順治四年任朔州聞其比糧太急糧戶逃拘家屬至庭並翁總鎖繫一處誣某以叛滅其家亂之日衆搶入街刀穿其胸骨曳至市剖其腹抽其腸以死暴其屍於路車碾人踏寸骸不畱慘亦極矣何若斯之甚也毋亦有以致此者乎迄於今曾無一人惜之者而余因之有感矣唐安祿山之亂河北諸郡望風瓦解獨賴平原顏修城浚濠賊至不得逞元宗歎其不識作何狀以表異之張睢陽痛哭誓師勵衆至死不屈江淮賴以保障二公皆忠臣至今凜凜猶有生氣即以朔論隋馬邑守王仁恭剛毅有為屢敗突厥亦人傑也止以寵任劉武周通其侍婢畏罪懼誅借仁恭不開倉賑饑鼓衆倡亂仁恭被害

武周不殺載亦為突厥所殺繼以高滿政苑君璋至相屠戮朔人死者不知凡幾尉遲恭棄邪歸正立功唐室至今祀之人詭稱焉襄者新丁因變為亂尊奉姜逆被以黃桂紳士不思大義翕然從之舉城若狂

八閏月而

王師致討大兵臨城玉石俱焚家破人凶子女被掠蕩然

一空真可哀也大都朔地近邊人習亢悍知利而不知害上操尺寸之柄偶有過舉下逞厓皆之忿取快

目前亂之所由生非美俗也有關於地方匪淺故備述前事論列諸人詳議其是非一以為上之陵下者

登一以為下之犯上者戒

說

文昌帝君說

五臺盧標 郡人訓導

文昌有星文昌有神文昌有名考之星在天為六府一曰上將主大將軍建威武三代天子掌六軍其將皆內卿二曰次將主書契正左右歷代尚書有六曹左右僕射古者大臣出將八相稱次相三曰貴相主太常卿理文緒掌天神人鬼地祇之禮四曰司祿主賞功進爵五隸之法辨其物而掌其政令五曰司命太史主災咎掌建邦之六典六曰司寇主佐理賞功掌建邦之三典以佐王刑總之六府集計禍福明天道經緯天下臣民大小均明而天瑞臻光芒潤澤則文事修此六官應六府以象文昌之星也考文昌之神生於周初吳會問人七十七化為士大夫未嘗酷民虐吏後西晉末降生於越之西雋之南是時丁未年二月三日丙夜天文煥爛張翼昭然聖體誕生名亞字霸夫張姓童稚時不喜嬉戲每心慕山澤往往

語言若有隱顯解華書自笑自樂身體光射長壽  
土木而能衣人之衣食人之食享之而有應誦之而  
有禍我為人而焉無靈乎後夜夢或為王者或為龍  
忽一日有天使揖躄白驢而入雷柱又曰君記周靈  
七十七化陰德傳家而迄今吾帝方大悟改日作儒  
士名仲子任咸陽講姚襄之故事尋方而顯化故得  
金闕昊天檢梭洞照九天開化主宰靈應文昌為神  
也考文昌之名肇自圖書太極分兩儀而文始見兩  
儀著四象而文始昌後之名文昌者有自來矣至於  
星象以南斗為文昌今人措功德而副神位見其天  
象燦著人文大昭故有文昌之人象文昌之星以合  
文昌之名尊為文昌帝君之神稽其化書之所傳則  
在兩蜀之梓潼帝君云備考化功之所由著知帝君  
之始末悉以忠孝為本仁愛為務見之當時傳之後  
世凡我文人未嘗不心慕之欲明其聖而究不能道  
其所以聖亦祇曰天聖云爾天聖者不與人聖而並  
乎尊

詞章

贊

銘

祭文

賦

唐

尉遲鄂公恭贊

呂溫

沈沈鄂公百鍊龍泉沉翳未宣氣衝斗間佩非其人  
躍出大川神武獲馬提之上天天地之內指麾無前  
熊威虎力隱若敵國剛毅木訥安劉必勅武德之屯  
手拔禍根掃除氛昏捧出白日耀乎天門功成名遂  
高誨戎事烈烈猛志化為和氣深池高堂頤性保常  
肩瓊飲露靜奏清商商為臣厲事君鄂公之德之勳

銘

字紙藏銘

並序  
雍正年

汪嗣聖

蓋聞一畫開天，遠洩宇宙之秘，六義訓世，爰通品類之情，傳千古之心源。惟憑四字存萬世之性道，全藉五言典謨訓誥之書，以茲而垂範於後帝王聖賢之業。得此而效法於前，是知一側半勒之成文，所當埒於珠璧，而斷簡殘篇之單幅，亦應重於兼金者也。其如頽蒙莫喻，彝鼎固存不念，奎文之弘勳，不卹龍馬之瑞蹟。每於廢書逸冊，拋棄庭階，碎稿零篇，竄逐牆壁，連文賸紙，緝以黏牕，佚卷殘經，用之塞隙。故家德子，束遺書而賣作紙斤，蓬戶迂生，泐宿構而卷為錢裹。治冶之匠，作疊以範金，育蠶之女，奴鋪以飾箔。非為驚蝶藏拙，便欲沈江，詎對老儻，致譏公然。覆瓿甚或狼藉於道路，規如草菅，污穢乎厠，踰等若糞壤。歷觀薄行，殊難枚舉。所以積學之士，每為興嗟，敦行之儒，恆深歎惋。亦嘗共撰箴，誠為彼特申勸懲，或舉禍福，危機以示棄捐，迴鑿或假報應，危語以啓怵惕。微情然報應之說，既幽渺而難必，禍福之論，亦荒唐而



無微故信者多而疑者愈多惜者半而棄者亦半也  
吾欲偶而惜之引而喻之為即日用常行之寶耳則  
目覩之正以開其當惜之端抒其應惜之理而人猶  
睥然而不顧惜然而周知也乎今夫士而無怙括之  
文何以致青雲之路農而無稼圃之學何以為豐穰  
之階工而失八宅之書省試之績何奏商而乏九數  
之策會計之籌何持他若丹經貝典不能不借澤於  
倉頡之篇醫方卜筮不能不貫通乎沮誦之績以致  
異端小道象技菊門詭詭杜撰之編酒肉魚鹽之簿  
亦不能不假鉛槧之矩步不能不托諭廢之逸踪審  
是以觀天壤之內尚有一事不資乎篆籀之遺一人  
不比之金玉之重者乎夫劍南鯉子尚解護放翁之  
書曲阜蒼奴亦知藏仲賢之簡燕臺梵字老狐自爾  
傾誠唐苑心經雪衣偏能畜意彼飛走之異類猶覺  
典冊之可尊豈賦畀之蒸民翻視禽鳥而不若故余  
為歷指其相須待用之實跡不必別引禍福報應之  
空譚而自莫不曉然其共喻慨然其共惜者也昔者  
元賓瘞硯昌黎為之書銘智永葬筆尚書與之紀實

國家崇文

聖主好道宸章炳如星日睿藻重於球圖嗣承乏茲州教

養是任既昇之以勸諭矜惜之說又安得不授之以  
措置寶藏之方故於鄆陽城西文昌祠左卜空間之  
隙地檢高燥之淨園隨其壤封甃以飭融坎其內寫  
然有巖壑之觀審其顛闌然絕雞犬之擾高深彷彿  
及尋周遺約略僅丈計可以受一州之積度足以備  
十稔之儲後有同心繼此雅志踵而增之擴而充之  
則又不妨芻啓巨封另卜淨域也余既序為勸勉之  
語且系以瘞藏之銘云  
銘曰繩不持結而墜不待削也吾見爾之日趨於薄  
也此人之見略也茲則與爾敬而藏兮鄆之陽兮積  
厚而流光兮惠此邦兮  
此邦之人其文之昌乎

介庵四銘 雍正年

王 露

立志銘

心之所主是之謂志其志不立其本不植匹夫不奪方能成事卓然有定聖賢可致

養氣銘

體之所充是之謂氣其氣若餒其心則畏直養勿害乃為可貴浩然不虧生死何諱

守道銘

性之所率是之謂道背道而馳寧非自暴君子不離窮達咸蹈凜然常守鬼神可告

行義銘

行之所宜是之謂義舍義弗由直為自棄士人一身名節攸係截然能斷常變不易

文

明

祭鄂國公文

萬曆年

巡按 御史 吳 亮

惟神英智絕倫勇略冠世委身有一盡心無二錫封鄂國發跡鄴陽功垂保障代享蒸嘗亮以巡方拜於祠下低回有懷馳驅靡暇緬維大節卓爾精忠庶幾文德寧詎武功議祀賢祠躋之俎豆厥代開先其儀啓後繫神如在鑿此微誠適逢大比忽顯異徵闡棘深巖排簾直入黥頭朱衣彈指柳汁雲中諸士三年不鳴陰陽默佑二僞同升職忝銜文快覩生色豈人之能惟神之力特陳醴齊式薦明馨興文偃武永藉

神 靈

國朝

月... 藝文詞章

祀鄂國公文

雍正年

汪嗣聖

惟神誕降肇跡斯方恆嶽鍾靈昴宿儲芒夙秉正直  
永矢貞良驍健絕倫義勇無雙拔出邊鄙輔佐皇唐  
天篤忠鯁下瑞生祥池獻龍馬神錫干鏘百戰百勝  
千軍阻喪奪稍避稍萬夫莫當擎天玉柱架海金梁  
太宗是賴底定家邦名標麟閣功著旂常其他節義  
闡然日章泥沙珠玉謝絕齊王謹辭宮昏不棄糟糠  
明哲保身大儒行藏託言辟穀希踪子房抗跡安石  
寄情宦商通過雲水保茲富強淑人君子今古相望  
生而忠介沒而神王赫聲濯靈靈來佑梓桑呵護閭里  
沴氣消亡襄事文闡科目榮昌五風十雨年穀穰穰  
種種福庇邊堵安康維彼士庶允懷莫忘理宜血食  
永享蒸嘗嗣忝民牧夙仰清光承乏茲土臣資贊襄  
嘉惠報德於何致將敢備牲牲牲牲牲此酒漿  
登降鞠膾陳辭晉觴惟神降鑒故此椒芳

祭馬節婦孟氏文

康熙年

解元才

魯桓繼世族姓聿昌泰山巖巖騶國皇皇三遷擇教  
仁義是倡賢裔襲封歷世傳芳派別遷晉新興云強  
文書三管德茂五常兩廣文公連枝賢良守傳先生  
琴瑟靜康誕太夫人香襲雲裳儀訓既嫺內則克臧  
曰嬪馬服和鸞鏘鏘雖鳩妃偶麟趾振雙方期偕老  
鸞忽遺風十六珈笄廿齡冰霜呼天欲絕願身偕亡  
懿親解慰毫姑穉郎弱質強起大事勉襄簪珥悉屏  
蓬垢無光勤儉克己甘旨供章安康時問藥餌親嘗  
荻訓熊含雪影芸總仲宴鹿鳴伯預鷹揚賢媿孟母  
節比共姜名標國史美炳旌坊福祿兼茂壽考無疆  
齒方及耄正擬慶章西母忽召翟芾翱翔委佗宛宛  
笑語茫茫倏倏空蕙帳俄寂萱堂白雲增慘斜月生涼  
寒砧韻失曉角聲長烏啼鵲噪鶴怨猿傷雙媳泣血  
五孫斷腸聞者哀悼舉國倉皇爰易慶辭乃奠椒漿  
誄曰慟太夫人兮早失所天孤燈垂黯兮珠露潺湲  
慟太夫人兮媳代子職萱堂皓首兮婦情惻惻慟太  
夫人兮乳雛悻悻胡乃伶仃兮遺慈啼嬰慟太夫人  
兮雙鳳翩翩胡不永年兮先沒重泉慟太夫人兮天

龍宜磨乃如之人兮五鼎未升慟大夫  
人兮坤德允即乃如之人兮昊天不弔

### 告通判贈僉事楊公歸葬文

年 康熙

支盛榮

郡人 歲貢

凡人之以死勤事為天地扶名教為萬世植綱常彪  
彪炳炳與日星河嶽竝存而不磨者咸嘖嘖曰惟宋  
之文丞相今於我分府楊公再見之矣當姜逆始畔  
備極守城外來賊將內逼亂丁康中軍張守備俱有  
從逆之志我公覘知大勢不支手刃中軍頃刻之間  
以身殉國血濺野草骨碎荒邱後之人有為公惜者  
曰公不宜刃中軍公之殺身實自刃中軍取之也愚  
謂不然以公之學問文章高視千古豈不知手刃中  
軍之為殺身之舉哉第公不殺中軍則從賊從賊雖  
生不如無生也公殺中軍則不從賊不從賊雖死愈  
於不死也當此之時全軀保身之子貪位慕祿之夫  
方且依附澳忍救死而恐不得公獨凜凜烈烈知有  
國而不知有身甘蹈白刃陽陽如平常公之心豈復知  
有生死哉余嘗讀文丞相正氣歌云是氣所磅礴凜  
烈萬古存當其貫日月生死安足論公之精忠浩氣  
視死如歸以視信國之從容伏鑽取義成仁亦豈異  
也語云求忠臣於孝子之門未有忠臣之後不為孝  
子者今其孫燈承先人志問關匍匐來收祖骨遍訪  
里老始得屍觀今將告歸就寔祖塋嗚呼公往矣公  
之丹誠不泯日月昭昭當時予以贈秩歿世享其廟  
食歸魂魄於故鄉垂聲名於奕禩視彼回面汙行偷  
生視息者方且骨化形銷與草木同腐其為人賢不  
肖何如也爰舉辦香酒椒  
酒為我公素車前引云

### 告獄中白骨文

雍正年

汪嗣聖

州署舊治即今斐目官舍西為監獄地地有白骨甚  
夥平陷地中淺深莫測也諗之老吏謂歷來有此不  
知為何項骸骨亦不知其世代每夜半輒作奇形異  
聲獄卒膽落予聞之惻然將欲改而瘞之也乃具酒  
醴之儀澆爾白骨作楚歌以告之  
曰窅窅圍牆閻晴曦些蚩蚩抱拳何無知此囊首繫足

圖犬跡些誰謂福堂而在茲些蟻蝨盈顛嗟鬼魅些  
煌煌今甲因敢違些泣囚解網不可為些我一來  
此淚如絲些胡為斯地白骨蒙些填塔盈巷曉燈  
些詢厥所由眇莫追些嗟乎羣骸果為誰些東西南  
北疇自來些秦漢晉魏繁何時些或殉商旅或喪師  
些或以征戍死流離些抑或罪罟駢殪屍些耀質何  
年亡何期些為歿為壽為壯羸些羣羣暴骨乃於斯  
些誰為父兄誰母妻些天涯海角為爾哀些招魂何  
方羌悽悽些宜爾扶妾久盤夷些自古國殤為雄傀  
些為穀為轅有所麗些沈則有履窺有警些東北之  
下鮭蟹窺些西北卑濕洸陽怏些印則藏宰山匿夔  
些彷徨中野澤委蛇些種種魍魎各有尼些凜茲禁  
地治有司些狐妖鼠竊詎爾宜些繫彼累囚爾何岐  
些托爾芳隣寧久睽些爾胡披崇令虺虺些怔忡驚  
但多誤詒些為狂為瘡扁莫醫些爾胡不恤尚彼災  
些漢無形聲爾所持些忤天違人應爾管些逆倫爽  
物爾所譏些成形惡聲固所疾些余莅茲土靡所私  
些仰焉無愧俯無欺些倫物秩秩敢云治些抑何不

德爾貳攜些即日爾輩煩冤罹些世遠人湮徒爾施  
些吾為正告釋羣迷些彼蒼生人惟所貽些壽殤窮  
通莫可移些死生患難任所之些夷齊何潔殍山隈  
些願冉何賢歿蒿萊些長平坑卒寧乏才些西楚殷  
降豈愚痴些自古有死何怨誹些天耶人耶惟所推  
些張張爾輩各自裁些禮稱掩骼埋遺訛些宋史周  
守實戎儀些為爾改厝得所棲些嗟爾無  
主奠酒危些魂乎其往母為厲於茲涯些

賦

唐

雲中古城賦

呂令問

正北曰并有唐作京密近邊陲張皇甲兵尹也總在  
守之任將也當節制之名故卒乘輯睦而王都肅清  
於是斷武誼按亭燧電轉前旌風吹橫笛揚葉箭的  
蓮花劍騎下代郡而出雁門抵平城而入漠地挾纒  
稱暖投醪必醉則知撫之者誠難用之者不易是時  
陰閉羣山寒凋衆木川平塞迴冰飲霜宿懷慨乎大  
荒倘徉乎遊目區脫潛遁屠耆懾逐朔古城之為何  
傳魏家之所築伊昔晉京版蕩海縣涕騰不有所命  
將何以興王師赫怒爰整其旅霧集雲屯龍驤鳳舉  
棄萬里之沙漠陶五原之風土肇為此都實惟太祖  
夫其規典章辨封疆池桑乾之水苑秦城之牆百堵  
齊轟九衢相望歌臺舞榭月殿雲堂開儒士於壁沼

貯美人於玉房翕習沸渭熒熒煌煌取威定霸於是乎在施今作法用或不臧武破六州之內文宅三川之陽何其壯也既而年代倏忽市朝遷徙干戈擊鼓之雄綺羅絲竹之美孰不烟散雨絕沙埋灰委樹在歎而詎存鳥稱樂而俱死危堞既覆高墉復夷寥落殘煙依稀舊塢榛棘蔓而未合苔蘚紛乎相滋伏熊闕賢騰虛聚麋常鳴悍鷲乍嘯愁鴟不可勝紀但令人悲朔風起兮馬嘶急漢月生兮鴈飛入可憐久成人懷歸空佇立有客志遠才雄秉義由衷負詩書禮樂之用蘊蕭曹魏邴之風虜庭高枕河源鑿空霜犯鬢而先白塵染顏而少紅三為都護五掌元戎益封而廣國事利而業崇獨見凌雲而作賦誰言坐樹而論功者哉

### 朔方獻千里馬賦

王起堯

駃彼名馬產茲元朔得遐方之勁氣是稟嚴凝應上聖之禎符其來綿邈固可以飾和鸞之噦噦就鈎膺

之濯濯始其同羣豐草挺質寒鄉名起茲白瑞掩飛黃伊六轡之爰設非九重之孰當爾具走險鹿駭望雲龍驥繫之維之登歌不慙於西極若滅若沒獻狀聿來於北方於以効伏阜之勤於以釋長鳴之怨流離而走邛來格薄落而執勒斯獻計鴻鳴之舉彼未居多涉燕宋之遙我方適願柔心有待逸足未宣擅奇於絳闕之下沛文於紫庭之前稟月未匹追風莫先所以闡幽都之美所以增華殿之妍既倍且閑鞅其羣兮相萬視遠如通遵其路兮且千一人既瞻八駿初比彼千駟花發六驄雲起其止也可齊乎足其行也無踰於里信愕視於華原而騰輝於良史伊茲駿之間出在前王而殊寡或鑿略而見損或鼓車而不舍我皇昭景福錫純嘏稱德以喻夫俊乂服勞以勸夫忠者豈惟同兩漢之帝獲千里之馬

詩

五言古詩

霍將軍北伐

北齊虞羲

擁旄為漢將，汗馬出長城。  
長城地勢險，萬里與雲平。  
涼秋八九月，敵騎入幽并。  
飛狐白日晚，瀚海愁雲生。  
羽書時斷絕，刁斗晝夜驚。  
乘墉揮寶劍，蔽日引高旌。  
雲屯七萃士，魚麗六郡兵。  
胡笳關下吹，羌笛隴頭鳴。  
骨都先自警，日逐次亡精。  
玉門罷斥候，甲第始修葺。  
位登萬庾積，功立百行成。  
天長地自久，人道有虧盈。  
未窮激楚樂，已見高臺傾。  
當今麟閣上，千載有雄名。

幸北塞

隋煬帝

帝親巡雲中，泝金河而東北。  
幸啟民可汗帳，可汗奉觴上壽。  
跪伏甚恭，帝大悅，因賦詩焉。



鹿塞鴻旗駐龍庭翠輦回  
樓帳望風舉穹廡向日  
呼韓稽顙至屠耆接踵來  
素餐擊羶肉韋鞮獻醜  
何如漢天子  
空上單于臺

### 飲馬長城窟

唐太宗

塞外悲風切交河冰已結  
瀚海百重波陰山千里雪  
迴戍危烽火層巒引高節  
悠悠卷旆旆飲馬出長城  
寒沙迷騎迹朔吹斷邊聲  
胡塵清玉塞羌笛續金鉦  
絕漠干戈戰車徒振原隰  
都尉反龍堆將軍旋馬邑  
揚麾氛霧靜紀石功名立  
荒裔一戎衣靈臺凱歌入

### 宿長城

王勃

陰雲凝朔氣隴上正飛雪  
四月草不生北風勁如割  
朝來羽書急夜宿長城窟  
道溢行不前相呼抱鞍歇  
人寒指欲墮馬凍蹄皆裂  
射鴈旋充飢斧冰還止渴  
寧辭解圍闕但恐乘波沒  
早晚邊喉空歸來事耕作

### 七言古詩

#### 勅勒歌

北齊無名氏

勅勒川陰山下天似穹廡蓋  
四野天蒼蒼野茫茫風  
吹草低見牛羊

#### 古長城吟

唐王翰

長安少年無遠圖一生惟羨執金吾  
麒麟殿前拜天子走馬為君西擊胡  
胡沙獵獵吹人面漢虜相逢不相見  
遙聞鉦鼓動地來傳道軍于夜猶戰  
此時顧恩寧顧身為君一行推萬人  
壯士揮戈回白日單于濺血汚朱輪  
回來飲馬長城窟長城道傍多白骨  
問之耆老何代人云是秦王築城卒  
黃昏塞北無人烟鬼哭秋聲涕天無  
罪見誅功不賞孤魂流落此城邊  
當昔秦王按劍起諸侯膝行不敢視  
富國強兵二十年築怨興搖九千里  
秦王築城何太愚天寔亡秦非北胡  
一朝禍起蕭牆內渭水咸陽不復都

過尉遲敬德廟懷古

明潘榛

郡公英風古無比此日過公之故里里中祠廟尚遺容  
容血食伏臘無窮紀毛髮欲動色欲嗔行人瞻之肅  
馬起祠徇猶有金龍池人傳天馬生池裏為龍為怪  
故不馴公自伏之如蟻螳跨來酣戰幾百場劉然隋  
揚始定李我仰高踪一此遊低徊日暮脫劍履潺湲  
池水西還東落落羣山岫與岷水流山峙古今同英  
雄戰骨  
今枯矣

關外吟古詩

兵道許九臯

紫雲橫處幾多家儘見蒼松不見麻壁立山頭風吼  
至雨花飛過是冰花西北天低山勢賒惟餘白草與  
黃沙羊裘生處無絺  
葛六月佳人浣紗

前題

無名氏

雁門關外野人家不養桑蠶不種麻百里並無黎棗  
樹三春那得桃李花六月雨過山頭雪狂風遍地起  
黃沙說興江南人不  
信早穿皮襖午穿紗

送杜奐若之西安候補

國朝汪嗣聖

木樨花開香凝露喜君馳驅在皇路君是三班奉  
職臣汾陽裴端此建樹於茲捧檄往西安意氣飛揚  
壓繡鞍西安舊是天府國金城千里有殊觀亞夫諸  
葛多遺蹟君當於此勤瞻矚武功細柳壯軍聲誰謂  
古人難繼績君家元凱譽望隆風流儒雅世  
所宗舊德先猷尚未遠看君萬里乘長風

朔州懷古

古風長短句

王露

八洞南天返三關北地來青氊平學設絳帳朔州開  
朔州疑仍古朔方畢南昴北之界疆和叔來宅城南  
仲帝德王功破天荒天荒破後復茅塞林胡樓煩實  
處逼趙襄攘地闢千餘句注山外滅代國燕趙六邦

併強秦長城萬里防胡人蒙恬提兵三十萬頭曼遠  
徙淨邊塵邊城未淨楚漢起中原關爭戰未已漢封  
韓王馬邑城冒頓鋒銳不可抵高祖初解白登紛文  
帝躬勞灞上軍武皇親征東武節將軍衛霍建功勳  
君不見馬邑豪轟翁壹生事啟釁同王恢設伏西山  
竟何必又不見蘇武節李陵碑生離死別河梁側事  
去千載令人悲呼韓來朝王媵北美人和番息兵革  
漢與匈奴相始終匈奴種衰漢火熄漢火熄兮三國  
承匈奴種衰鮮卑仍朔方五郡皆雲擾魏王塞下置  
新興曹魏棄之陞嶺外司馬平吳邊務鮮無何五胡  
共亂華太原劉琨拓拔頽晉封拓拔為代公始居定  
襄盛樂宮倚盧翼捷遭內亂符秦滅代分西東道武  
中興號元魏遷都平城有經緯朔北尚存元姬山可  
知善謳當日賁孝文興治向洛陽武備以弛漸拋荒  
懷朔六鎮相繼叛草澤羣起思竊攘爾朱門下奔走  
子高歡侯景相任使勝岳兄弟皆人豪尖山下有賀  
拔里元魏從此分東西宇文周東高齊黑獺六渾  
骨未冷大物已為清文攜隋文未篡周突厥孽種類

周雖滅北齊尚餘高紹義定州刺史來還爭朔州地  
隋主妻啟民築城居大利大利築城居啟民煬帝無  
事爾來巡啟民拜伏始畢襲太原公子名初振王仁  
恭馬邑守劉武周鄆陽醜養虎遺患事可羞貽害地  
方詎能久高滿政思補咎苑君璋與掣肘互相殺戮  
翻餘波青史猶載刺河口金剛戰敗先逃亡尋相已  
降後叛走定楊諸人多歸唐獨有尉遲名不朽唐初  
突厥勢正強屢與中國相頡頏李靖屯兵惡陽嶺頡  
利被擒突厥亡突厥雖亡居降戶沿邊新設都護府  
二十有四羈縻州沙陀克用生神武克用人號獨眼  
龍破巢功高上景鐘亞子倍烈皆稱帝後唐莊宗與  
明宗明宗克用之養子莊宗亂亡明宗始傳子從厚  
廢從珂敬瑄入洛珂焚死石晉割地賂契丹歷漢及  
周那得安宋平北漢克雲朔繼業一死事又殘繼業  
素稱揚無敵臨陣何曾避鋒鏑北兵正盛不可行潘  
王忌功讒言激躍馬挺鎗出雁門戎騎十萬若雲屯  
奮勇一呼氣萬倍遠人遇之輒遠奔左衝右突辰歷  
酉轉戰回向石碣岫迤邐臺上望無人死酬太宗罵

二狗殿宗約金共滅遼海上之盟水漂推遠滅歸朔  
未三載金人敗盟種禍苗金有楊沃衍元有王保保  
百世仰芳名英氣常浩浩明初設衛兼置州經營全  
賴鄭陽侯東南民力已竭盡年年歲歲動邊愁邊愁  
愁北北纔歎寇警警南南更急寧武關前周將軍力  
戰以身一何烈是可與北齊斛律光後唐周陽五共  
剖赤心同歷甘苦輝映後先並垂千古以余懷古畧  
云偏世往風微何所見其間豈少豪與華惟有忠義  
令我羨懷古還須証之今高山流水數登臨俯仰多  
少關心處觸目悠然寄遠情黑梁山上豐王墓往來  
詩人多題句朱溫弒昭並殺兒此間疑有鬼神護聖  
佛巖半石佛光雙化晚照什八莊美女垂釣河北岸  
小峪藏春百花香翠屏積雪南山谷灰河伏流紅崖  
縮林樹古剎街前過廣福鐘聲樓上轟嗚呼噫嘻低  
徊往事幾滄桑運轉泰來有道昌富我  
皇清初定鼎值他妻逆復跳梁武功戩亂秉周憲文德覃  
數繼陶唐共享太平今  
百載小臣捧筆敬頌揚

五言律詩

塞上行

元董朴  
本州人

柳色正沈沈風吹秋更深山河空遠道鄉國自嗚砧  
巷有千家月人無萬里心長城哭趙後寂絕至而今

樂昌招飲南園賦謝

明郭顯忠  
兵備道

為園值鴈塞分水得龍泉朱邸無塵事清香入綺筵  
雨滋叢桂潤雲合小山連十月平原飲那能不醉還

其二

金龍池謁鄂國公祠

郭顯忠

寂寥遺地苦勝事獨華林臺榭含峰色笙歌雜鳥音  
烟塵三鎮淨霖雨九秋深此地堪為樂寧忘戀關心  
聞道龍池久塞帷此日行荒遠陳跡少古廟一僧清  
水遠斜通寺山遙曲向城願公降龍手霖雨濟蒼生

詠地椒

都御 胡希顏

凍雨催花紫，輕風散野香。刺沙尖葉細，敷地亂條長。楚客收殘葉，奚童擷滿筐。行厨供野具，調鼎爾非常。

塞上吟 十二首

都御 霍鵬

己年持節至，甲士擁騎行。沙卷多榆塞，雲連細柳營。西征旌旆色，東勝鼓鞞聲。為築長城界，馳書奏帝京。

其二

昔道金河冷，今來玉塞涼。關門屯虎豹，斧鉞掃豺獍。劍拂攬槍影，旗搖太白光。韜鈴常在篋，持此報天王。

其三

不厭貂裘重，聊因夜塞寒。天高首藉嶺，地潤幕其灘。六月成常服，三時耻素餐。居延川上日，杲杲照旌竿。

其四

官拙心偏苦，秋深雨又零。方山傳采芑，瀚海任流萍。虜市頻年款，戎車鎮日停。昨宵狼鬣暗，惟見雨林星。

其五

落落關山曉，蕭蕭朔漠秋。大軍開虎隊，元帥擁貂裘。雲塞寒初動，水河咽不流。沙場雄萬里，殊勝酒泉遊。

其六

北塞非無路，東郊自有橋。不愁胡馬度，只怕漢兵驕。露下千山瘦，霜飛百卉凋。兵家說方畧，爭頌漢嫖姚。

其七

五原人未同，傳在黑山隈。鴈自龍庭過，軍從虎峪來。蒙恬多將略，魏尚有邊才。古昔垂芳烈，予懷亦壯哉。

其八

新逢出塞秋，直上籌邊樓。蘇武城餘壘，昭君塞上邱。山隨鴻鵠度，泉泛鴨鵝流。年年邊境靜，肯羨冠軍侯。

其九

晉西稱地利冀北是天涯獨對芙蓉幕開歌杖杜詩  
傳檄寧須羽投醪不待危將軍今老矣空有玉門思

其十

雷嶂稱天險霓旌滿地光驛通三晉遠城鎮五原長  
雜田飛雪冷燕麥引風香北虜封初定家家泛羽觴

其十一

戎醜餘荒地邊軍正耦耕山連青草豕豕路繞白登城  
胡天千里暗御月四時清鞭下河湟後臨流可濯纓

其十二

山川圍塞上鼓角出雲中歲練軍皆壯秋成穀自豐  
征人頻醉月戍馬謾嘶風從此安邊了潯池作釣翁

孫春元花園

許九臯

公餘探別業花鳥樂王孫錦簇亭邀月香浮酒入尊  
桔槔滋暮雨樓榭挹斜曛適我烟蘿趣何時再問津  
次署馬邑吳明府來儒同勞述齋遊金龍池原韵

四首

國朝

汪嗣聖

曾過龍池上山迴路亦悠復聞廉靜侶共作閒適遊  
地僻民風古涼生草樹秋應知皆自得魚鳥樂沈浮

其二

昔傳追電足騰踏此溪山惆悵千秋外空濛一水間  
良朋欣雅集往蹟好追攀懸想邀歡事迥然為破顏

其三

細讀登臨句飄然絕點塵煙雲增秀色山水儼清新  
樂意隨歌鳥天機看躍鱗高情還我輩肯復讓前人

其四

共說前司馬曾從此卜居山川猶舊蹟池館未却城  
嘉客幽尋徧荒村夕照餘還留池上月誰與共清虛  
七言律詩

酬振武胡十二大夫

唐韓愈

傾朝共羨寵光頻半歲遷騰作虎臣戎旆暫看辭社  
樹里門先下敬鄉人橫塊玉盞家山曉遠疎金珂塞  
草春自笑平生誇騰氣不雜文字鬣毛新

玉屏山

金李純甫

色展青衫已十年聰明更覺不如前簿書叢裏先抽  
手風月場中少息肩瓶底贖儲元亮粟杖頭高挂老  
坡錢會湏看我屏山下  
下了盡生平不問天

鴈門關外

元好問

四海於今正一家生民何處不桑麻重關獨據千尋  
嶺深夏猶飛六出花雲暗白楊連馬邑天圓青冢渺  
龍沙憑高吊古情無盡空對西風數去鴉

塞上即景

明于謙

目極烟沙草帶霜天寒氣暮景蒼茫炕頭熾炭燒黃  
鼠馬上彎弓射白狼上將親平西突厥前軍近斬左  
賢王邊城無事烽塵靜坐聽鳴笳送夕陽

閱武

于謙

聖主當天致太平守臣關武向邊城一川花弄旌旗  
影八面風傳鼓角聲羽鏃穿雲誇電疾戈矛映日關  
霜明三軍銳氣能如此會縛戎王獻玉京

詠煤炭

于謙

鑿開混沌得烏金  
藏畜陽和意最深  
燭火然回春浩  
浩洪爐照破夜沉沉  
鼎鼎元賴生成力  
鐵石猶存死後心  
但願蒼生俱飽暖  
不辭辛苦出山林

朔州道中大風

威寧伯 王越

大塊茫茫意氣多  
不知消息欲如何  
江東曾與周郎便  
沛上從勞漢祖歌  
平地有山皆走石  
半空無海亦翻波  
合當送我雲霄上  
試把青天一洗磨

題郡人蕭宗雪月軒

王越

雪月軒居雪月中  
交游半是玉堂翁  
能文自昔還能武  
盡孝由來必盡忠  
千里桂林名不泯  
百年朔漢夢成空  
而今若得斯人在  
助我平胡一戰功

靜樂軒

長史高弘休息之所

王越

十里青山水竹居  
山中樵採水中魚  
人情盡說醉鄉好  
世事莫言天網疎  
此去別離千里遠  
向來交誼十年餘  
古今一段閑消息  
富貴功名總不知

長城

提學陳顥

漠漠黃沙萬里城  
昔人曾此駐秦兵  
旌旗影動胡塵沒  
笳鼓聲寒塞月明  
馬邑荒烟迷故堞  
鴈門殘日照頽營  
誰知再世歸隆準  
長使英雄淚滿纓

登朔州城樓

郭顯忠

耀武先登百雉城  
望中沙漠與雲平  
請封初聚單于種  
置守猶餘漢將營  
廣武雪消春水漫  
居延烟靜晚霞明  
防胡豈恃金湯險  
幕府胸藏數萬兵

秋日樂昌東濱邀遊泥河莊

郭顯忠



秋郊雨霽逐新涼為慶西城過野莊斜徑出林山色  
紫小橋流水稻花香幸無胡馬殘村落賸有田家紫  
圃場最喜賢王知國  
本肯先農事勸邊方

### 登朔州城樓

王楫

層城雉堞擁山迴極目登臨萬井開日出烟花收故  
壘雲歸野色鎖荒臺蒙恬業在瞻秦趾蘇武名雷讖  
漢才咫尺單于今納  
欵時清逸莫共傳杯

### 前題

李邦直

明到西南是朔州居延川澤繞城樓山連虎峪偏生  
霧地接龍庭怕及秋但說東隣蕭刺史那知北塞晉  
陽侯眼看廢壘蕭條  
甚幾個耕童日牧牛

### 游金龍寺

巡道使楊一葵

夾路垂楊蔭古堤行春聊一探幽棲江天日麗羣峰  
霽劍戟霜明萬馬嘶檻外浴鳧紛共語山中稚子喜  
相攜閒愁到此渾忘  
却縱飲何妨醉似泥

### 前題和韵

二首

張中鴻

蒼蒼山色映芳堤為愛池亭暫此棲翠苻牽風鳧共  
浴綠楊含霧馬頻嘶澄潭聞說雙龍化絕塞惟將一  
劍攜漫捲湘簾飛紫  
燕梁間勿訝落香泥

### 其二

梵王宮殿鎖荒堤地迴偏宜高隱棲香裊博爐僧入  
定花迎征蓋馬長嘶環台碧水疑無底襲袂清風似  
可攜且喜榆關烽燧  
息憑君重借一丸泥

### 前題

王楫

源頭發自北山，偶環遠招提，景物殊水泛沙鷗波。躍鯉柳垂金線，浪噴珠天生虎將。今靈異地產龍駒，古有無憑，攬低回懷往事，停盃轉盼幾躊躇。

前題

知州

李邦直

馬邑池中自有泉，穿林繞寺日潺湲。俄看赤鯉游沙際，疑是金龍躍岸邊。波映七峰吞代地，濤飛萬仞拍胡天。傳巖此去踰千里，誰復為舟濟大川。

題鄂國公祠

聶明楷

太宗神武削羣雄，摧陷當年首屬公。自是虎臣清海內，豈真龍馬出池中。辭婚不奪糟糠志，喋血終成社稷功。金輦如山何足動，却教假此拜英風。

謁鄂國公祠

許九皋

大義昭昭配壽亭，雲中牧豎誦英名。揮金不愧辭曹節，奪稍爭誇斬將能。粉榆廟貌千秋重，鍾鼎勳庸一代銘。祈公試展扶唐手，淨掃胡塵庇萬靈。

前題

通判

萬代新

龍去池空餘廟模，徘徊遺像憶當初。千金日月心難晦，百戰山河體作圖。赤手扶天還奪稍，白頭分鎮更威胡。碣村春盡年年草，問繪凌煙肯再無。

前題

王楫

一灣深碧接天浮，俯瞰森森廟貌幽。鑲面幾多征戰血，丹心不盡啟疆憂。山河虎穴勞新賞，風雨龍媒識故秋。瞻拜凜然生氣在，令人千載憶封侯。

閱邊

二首

都御何棟

漢代魏壁門開授鉞專征海嶽摧喜見戈鋌明  
月驚聞號令起風雷陣圍乍變龍蛇勢將佐仍兼  
衛才盡掃胡塵邊塞靜黃金不負早登臺

其二

紫塞風高百草秋防胡萬里擁貔貅陣前親賈諸軍  
勇幄內密傳衆將籌笑洗燕然重勒石喜看部曲盡  
封侯功成不鑄黃金像願學鷗夷海上游

書朔州行臺壁間

二首

胡希顏

可嘆人生七十秋寄身天地似蜉蝣棘猴忠懇心難  
悟蕉鹿功名夢已休慚我乘驄行絕塞惱人騎鶴上  
揚州幾時得作終南叟鋤雨耕雲任自由

其二

纔駕星軺上朔州紅塵碾破散遐陬中天烜赫炎光  
烈遍地薰蒸暑氣浮臺下葵花方笑口田中禾麥已  
焦頭息息了却公家事謾倚雲屏問酒籌

贈郡人薛端

御史

李侃

演武庭前劍戟紛驚看翰墨掃烟雲出經入史春秋  
策役柳驅韓制誥文百數年來渾不見萬千里外實  
初聞九重若欲求儒將封事當先到薛君

巡邊夷人進酪酒羅拜

守道

郭性之

清朔樓頭俯大荒叩闕稽顙左賢王馬來汗血雲成  
錦酪薦叵羅露帶香胡虜已修三世貢吳鉤空拂九  
秋霜自慚生肅渾無事食祿心驚兩鬢蒼

過朔州

提學沈鍾  
副使

屬門開北擁孤城自古州堪用朔名甲帳齊開兵  
振狼烟不動虜塵清方春風雨隨時足斜日牛羊滿  
谷行寄語泮池諸士  
子好將絃頌播昇平

次韵和李兵臺抄秋閱武登朔州城之作

知州  
翁應祥

紫塞霜臺氣象雄高城閱武壯雲中旃裘納款無驕  
虜禾黍登場有醉翁秋晚草催沙塞白夜寒峰嶽  
烟紅使君鎖鑰功非  
小慚夢三刀佐下風

次韵和李兵臺遊金龍池留題一首余以吏事不

得追隨遙和此篇

翁應祥

曲曲寒塘水拍堤白雲常護舊禪樓英雄百戰今何  
在龍馬千秋向欲嘶金谷蘭亭開勝賞玉壺春酒望

相攜柏臺行樂須臾  
事又聽楓宸下紫泥

樂昌府園亭

翁應祥

名藩行樂自徜徉就近為園淺淡粧芳草庭階留野  
色薜蘿牆壁野風光鳥因僻靜尋枝便客為清幽蠟  
展忙帶礪山河應不  
改豈同金谷易滄桑

題孫孝廉別業

翁應祥

遠牆蘿薜帶園蔬知是孫康映雪居城市自喧人自  
寂樓臺常迴月常虛茂陵草綠三春雨天祿燈明五  
夜書伯仲藏修深自  
隱擬將踪跡混樵漁

題給諫盧公城東別墅二首

翁應祥

瓊閣風猷佩服閒偶從名苑恣躋攀庭空有地皆留  
月牆短何窓不面山身倚五雲多策豎景收三徑足

幽閒他年黃閣歸來  
後為許求羊共往還

其二

使君結構倚高城地隔塵氛別有情春到藥欄園可  
灌風來花榭鳥爭鳴當軒晝靜開棋局深夜鐘殘聽  
梵聲王事拮据休沐  
少且遲松菊歲寒盟

虜警有懷

壬申六月奴會擁眾殺胡等處警報甚  
急

守道  
副使竇可進

遠左奴氛不可聞奴氛今日又宣雲東來烽火連宵  
旦西下兵符徹夜分簡卒幾多稱勁旅登壇誰與任  
冠軍胡維作事殊雄  
傑未許常說解紛

又

奴酋蚤已著先聲此際籌邊事未輕莫倚長城雄鎖  
鑰須知右臂切陵京乘瑕謬謂無他志闕穴由來祗  
借名違禍不忘殷鑒  
邇好從泥水靖符兵

又

徵調頻年苦戰爭饑荒連歲又天行兵挑河北無精  
銳烽達甘泉有夜驚決勝賴能饒幕府請纓何敢壯  
書生營平已度先零  
敗酌酌重開細柳營

又

聖明御宇六龍寬指顧鞭笞屈可汗怪底稱兵連胃  
頓未聞欵塞自呼韓閉門鬼哭聲猶泣海內民愁力  
亦殫安得四夷常為  
守等閑擬作太平歡

又

必勝兵家自古難英雄真正始登壇并流未許皆  
畧統綽於今盡鷓鴣金鼓乍聞心蚤亂羽書遙望骨  
先寒軍中應有驃姚將麟閣圖名世代看

又

烽傳一夜到邊州斗大孤城好自謀收堡却胡稱李  
牧禦戎無策信嚴尤儘誇備具能摧敵第恐量沙欲  
唱籌賴有人和來助  
順西南保障共君留

又

無勞此月出車攻清野維時且辟兇為築斯城堅信  
守與民効死捍危鋒登陴幾見投超勇排梁還驅市  
井傭今歲黍苗膏始足又將防禦誤庄農

又

無愁胡馬近陰山戒禦嚴明意自閒烟滿烽臺雲護  
地星輝雉蝶月臨關曾聞李廣原飛將未許關氏尚  
舊顏雪耻好酬千古憤扶桑弓影莫重彎

又

逆奴何事太侵陵神武君王赫怒憑爰整車徒清朔  
漠肯容夷虜挾金繪中丞受鉞威名重大將臨戎氣  
槩增頗牧夔龍相濟美清平從此頌中興

奴酋千里趨利聞祖黑等八大將軍已搗其巢誌

喜

寶可進

溽暑兵行六月交孽奴犯忌薄雲郊蟻屯歸化思鳴  
鏞弓挽陰山欲露梢聖度豈能長覆育天心亦似厭  
鉦鏡忽聞關外傳旌捷八將齊驅報搗巢

又

孽會計出傾巢拙大將功成搗穴奇鷲鳥護林終去  
遠困鱗趨沼亦歸遲好乘鶴唳風聲日恰是追奔逐  
北時一舉殲奴機在此願君早決不須疑

早堂

竇可進

風寒砂急霧烟重獨坐官衙放早封鶴舞若留闕塞  
月鹿鳴猶是飯時鐘委蛇案上頻餐素倥偬樽前少  
折衝制虜幾時鏃隱一簾春雨散邊容

夏日苦雨

竇可進

淫雨連綿六月周驕陽無日不為收侵晨盥髮涼生  
牖薄暮開帷冷入裯一望黍禾波上下千村烟火浪  
沉浮陰雲不解商飈發為報明朝又早秋

午日翁州守以詩見寄次韵酬之

竇可進

葵榴花發噴塔前恰是端陽五月天競渡不聞鼙鼓  
地開尊誰是綺羅筵有懷歸去尋休暇又觸艱危問  
倒懸今日一杯蒲艾酒操蹄好祝滿車年

又

天假良晨總不殊時難夕夕戒無虞辟兵符佩仍烽  
火長命絲懸笑柳蒲波靜幾時鮑寢浪風清何日澤  
銷符江湖廊廟同心事縱有芳筵孰與俱

喜晴

竇可進

淫雨相尋苦見侵喜從晴日一披襟地當霜早偏宜  
旭禾到秋成不耐陰磽确有年皆拱璧汚邪滿眼亦

黃金村屯機獲庚呼  
息不盡遠臣鎖鑰心

許弁上谷人也守朔四載今遷上谷都聞矣詩美

而易之

竇可進

桓桓虎節邇神京井里兒來慣習兵章返會稽新郡  
守圖陳方畧老營平朔雲大樹還依幕上谷長城特  
著聲聖主用人原有  
意將星今向故鄉明

又

貪怯年來靡似波將軍廉勇素如何風清虎帳秋霜  
色劍倚龍泉壯士歌每聽雞聲頻起舞肯從髀肉嘆  
消磨此行好話封侯  
事朔土甘棠頌祝多

送給諫盧靖寰年兄赴補

竇可進

紫掖光浮曙色暉地分清切早承恩  
瑣人在祥雲捧至尊聖主良臣千載遇諫官宰相一  
堂論憑君疏草朝天  
去願把民愁達帝閣

又

聖主宵衣切治安侍臣今日喜彈冠謀猷靜裡籌偏  
熟肝膽披時念欲殫一代夔龍名瑣圃百年山斗重  
朝端碧梧早叶金甌  
夢翹首星辰曳履看

贈宗室九華

竇可進

漢室懿親劉向先唐家公族重青蓮兩賢雅譽能標  
古昭代名宗豈讓前筆灑千秋陶謝韵胸羅百氏鮑  
庾篇借君泣雨驚風  
句賦得皇明萬萬年

贈和字令孫

竇可進



合天孫雲錦巧心裁青藜務足三冬火紫蓋遙飛七  
步才計日聖明敷禮樂少年詞賦動三台

贈春寰晚子

竇可進

君家積善重緣趨貴子競傳老蚌珠頭角早成龍種  
異神奇應識鳳毛殊孤根秀挺千齡集一本祥開萬  
葉蘇原是祐從天眷篤才名端的達天衢

和李撫臺韵

竇可進

胡雛千騎已成圍兵火頻年羽檄飛九塞軍儲幾斷  
歌五陵裘馬尚輕肥周宣薄伐猷何壯漢室和親事  
已非但願沿邊能戰守幕南惡用虜來歸

守大同時謁守道作

竇可進

一官元朔兩經秋輿馬何曾學壯猷  
具塞惟隨處見民愁黃雲紫幕寒沙塞北鴈西風古  
戍樓莫向此中思漢守邊城世已貢旗裘

送胡浮冶侍御

竇可進

邊陲何日净烟塵繡斧巡方出帝城五色聽蹄原蹠  
踐千年豸角自崢嶸霜威到處山川震淑氣移來草  
木榮狩事已成天子詔恒桑永矣咏澄清

宦遊雲中者十年矣七年前曾備兵陽和今復以

朔調任乃其物情事態大異疇昔重遊之際感

慨係之矣賦寄萬明府翁州守

竇可進

此地曾經備一籌如何此日又重遊十年戎馬關山  
夢幾度浮沉去住鷗華表鶴歸邊月冷帝城春到寒  
雲流只今鎖鑰誰裁  
定聖主勞勞西顧秋

錢糧叅罰部檄如雨閱原文有感東樹翁州守

竇可進

日來功令密凝脂撫字催科孰便宜父母已懸如保  
望鞭筆寧及哺嬰時祥鸞自昔能標異乳虎從今始  
見奇幾箇陽城甘下  
考嗟民血肉苦淋漓

又

處處賢能已見徵朔州刺史歲相仍三刀舊夢琴借  
鶴兩袖清風孽與冰撫字心勞甘自拙臺司薦屢豈  
無稱部文有約君知  
否縱是龔黃也慢陞

又

人生宦轍亦何常五馬名高路更長塞上窮民推父  
母雲中老吏足風霜六年淹滯留州署一日恩光下  
廟廊始信超遷原有  
意分明清秩待循良

閱邊城

許九臯

獵獵霓旌遠擁騎穹廬一望豫邊籌稽顙久修荒服  
貢窺閔新斬月支頭黃沙漠漠馳榆塞笳鼓聲聲振  
戍樓韓范軍中應破  
膽長城無事築民愁

聞迎恩堡警赴援

許九臯

戰場身與共安危聞警寧煩羽檄催義膽奔騰飛劍  
戟壯懷激烈走風雷先聲一布應褫魄前隊三驅可  
潰圍矢石親當非暴  
虎微軀久已仗天威

關武用忠肅于公韵漫成二律 許九臯

款貢多年狃治平每思道濟作長城技可落鵬繩徒  
哲勇能奪稍繼先聲帳前衛霍須成障腹內孫吳藉  
翊明侯封原是男兒  
事會掃羶裘固鎬京

又

神武何難奏蕩平腥羶盡洗賴干城直教絕塞虛無  
虜羸得中原赫有聲鵲印光搖邊月白龍韜芒射陣  
雲明憂時漫上河清  
頌且勵橐鞬衛帝京

競辰軒 公餘之暇延生 知州程瑞

無情歲月擲如梭人世浸浸有幾何分寸光陰宜愛  
惜天淵義理細研磨苦憐過隙應難住生怕金丸落  
已多斯義曾聞楊子  
訓吾人佩服敢蹉跎

弔武節婦 尚書 余子俊

鄆陽有母獨稱賢視死如歸不二天夜織音教傳舊  
行春蠶寧復貼新鈿呱呱襁褓成名早采采蘋繁奉  
祀虔人世綱常良足  
賴故應重作柏舟篇

題雷節婦卷 陳仁 莆田

獨閉幽閨六十秋朱顏銷盡雪盈頭鐵心已共寒灰  
死血淚空催夜燭流三尺門楣褒帝勅百年冰雪照  
雲州綱常一見還淳  
古青史勞收繼柏舟

挽郡人劉貞 張範

鄧林甘老棟梁材今古同傷命不來儒服在躬多塞  
郡才名應詔隔蓬萊昊天不弔哲人萎后土無情玉  
樹埋安得詞華如宋  
玉重招楚夢寫深哀

七夕過廣武

國朝禮部侍郎汪灝

七夕重經廣武村，濃陰此日不堪論。山川隔斷雲中雁，烟雨蕭條客裏魂。天上有情渡河漢，人間無夢到關門。故鄉漫道并州是，惟有雙星織淚痕。

再過廣武仍疊前韻

汪灝

錦鞵依舊解荒村，壁上聯吟可共論。已愧成名倖豎子，且饒佳句慰征魂。一官幾度臨邊塞，雙印新懸過雁門。自是忘家難報國，青衫那復染帝痕。

輓烈婦劉氏二首

莊清度

甘守空幃苦耐貧，三年深巷不知春。但留志氣能完我，豈願哀憐或動人。針線暗傳心上約，孤雛休託眼前親。輶輪莫漫相牽挽，笑語泉臺得舊身。

其二

蓬門今得見完人，多少朱樓拜後塵。赴義只如身一葉，聞風却有力千鈞。沉檀燒篆香尤烈，松柏凌霜色自新。

聖代激揚垂令典，肯教冰骨付青燐。

恭紀

聖祖仁皇帝西巡

汪嗣聖

雍正三年七月，知州臣汪嗣聖恭荷皇上殊恩，特簡朔寧就職之日，采訪土風民謠，得知

聖祖仁皇帝於康熙三十六年春三月，鑿輅西巡塞外，駐蹕朔州三日，省耕問俗，湛恩汪濊，州之黃童白

叟，至今誦思恭紀三律，以誌不忘。

十六日 駐蹕東榆林

粵考康熙丁丑春共欣  
聖祖駕西巡省耕三駐東榆塞枝獵一臨西郭濱桑水蘭峰  
畱勝蹟黃花白草被深仁且同夏謗歌游豫應有特  
書到史臣

十七日 駐朔城貢生盧標宅次早啟行

霓旌西指捲雲霞落日邊城駐 翠華百隊羽騎閒不擾  
千門燎火靜無譁穆清 陛衛凌晨啟涕涓冠裳拜  
望奢唱罷鷄人 仙馭  
遠惟聞疊鼓復鳴笳

十八日 帳殿駐宿西套

省方間俗事從容 清蹕猶畱西套中畧野雲霞開  
帳殿啟天星斗挂瑀弓仲春刻玉堯游日甲子披圖  
舜狩同荒遯小臣聊識  
載願為 帝紀備初終

卿雲紀瑞 有小序 汪嗣聖

雍正辛亥仲春之朔有四日奇雲五色縵麓州治  
瑞采霜蔚輝映城闕陸離霄霓莫可端倪歷午未  
申三時之久按博物志言雲五色者為慶瑞應圖  
謂慶雲者太平之應援神契云天子壽則景雲出  
游又曰王者德至於天則日抱戴亦慶雲類也故  
史稱皇帝時有五色雲出游結成花葩之紀尚書  
大傳則載舜時卿雲見百工和歌之詩歷考往古  
以證來茲何莫非  
聖天子道協坤乾德符三五大化翔洽之所致哉疎渺小  
臣躬逢大慶詳請 題達之餘恭成里言以紀快  
觀懽忭  
之贊云

二月邊城曙色舒霏霏瑞靄煥天衢九霄日麗開昌  
運五色雲蒸入畫圖結就花葩經午未凝成霞采照  
闐闐光華復旦虞廷  
事又見嘉祥編八區

其二

漢漢煙光迥不分  
兩來彌望但氤氳  
縹緲紛捧日成嘉  
瑞縹緲從龍頌

聖君童叟爭看歌  
綬綬膠庠并覩樂  
訢訢小臣不盡賡  
頌意喻向彤廷賦  
景雲

前題次韻

二首

學正

霍連斗

青帝東來萬物舒  
喜逢瑞靄煥雲衢  
祥光正繞曠曠  
日佳氣如瞻錦繡  
圖五色飄颻翔碧  
落九光燦爛映  
城闌應成沆瀣露  
方夏玉燭常調蔭  
八區

其二

闕塞晴和春正分  
碧霄爭看瑞氛氳  
恩流四野懽黎庶  
祥見朔方荷

聖君玉葉金柯率  
土舞鸞翔鳳翥海  
隅訢天章豈學無  
心出為慶重華兆  
景雲

前題次韻

二首

訓導

郝光銓

榆塞春回霽色舒  
忻瞻卿鶚麗天衢  
縹緲紛采纈輪囷  
象爛熳光披華蓋  
圖暈拖陽烏當昂  
畢瑞籠冀北煥  
闐闐亟知聖德周  
穹壤致令祥氛彌  
九區

其二

非霧非煙見朔分  
翠屏東望盡氤氳  
輝涵五玉光文治  
樂奏六雲頌

聖君幾處燮華皆  
郁郁一城童叟共  
訢訢小臣瞻戀情  
何限敢效銅池賦  
彩雲

夏日同諸子遊林銜古刹

庠生

華震陽

江陵人

招邀閒過古叢蘭  
消息盈虛箇裏看  
列戟曾傳夷相府  
開場又作法王壇  
香臺清景窺雲樹  
別院空花對藥欄  
西南徒倚劍還從  
此地一追歡

金龍池謁鄂國公祠

汪嗣聖

廟貌巍然池水陽仰瞻遺像肅冠裳身經百戰身  
在義却千金大節光臺閣丹青名不朽林泉頌養道  
能藏祇今奕世英靈  
在佑啟科名到梓桑

### 輓牛母郭孺人

蘇之芬 郡人

鸞鏡分飛三十秋蕭蕭華髮已盈頭青燈照影歌黃  
鸞皓月中天賦柏舟蕙質已同朝露盡芳魂應共白  
雲雷墓門未獲陳椒酒野糶詞  
慘淡寒風起暮愁

### 五言排律

### 奉和聖製送尚書燕國公說赴朔方軍

唐張九齡

宗臣事有征廟算在休兵天與二三座人當萬里城  
朔南方偃革河右整揚旌寵錫從仙禁光華出帝京  
山川勤遠畧原隰軫皇情為奏熏琴唱仍題寶劍名  
聞風六郡伏計日五戎平山甫歸應疾雷侯功復成  
歌鍾旋可望枕席豈難行  
四牡何時入吾君聽履聲

慶雲 詳見七律小序

汪嗣聖

昭代文明盛 熙朝物象昌春光猶未半淑景喜初長  
瑞氣輝南極祥氛燦朔方霏霏如錯錦郁郁自為章  
五色成奇彩三時表異光花葩看爛熳玉葉仰輝煌  
聖孝孚元化

皇仁叶上蒼河清曾紀異芝秀復傳芳絕域生嘉禾 神  
京集鳳凰更睹卿雲麗環飛化日畜虞廷堪比瑞漢  
鼎詎能量童叟俱懼忤官紳盡頌颺和歌辭  
典雅拜舞興軒昂太史欣簪筆特書誌不忘

### 前題次韻

吏目朱士顯

叶撰 皇猶塞乘時 帝道昌陽回人共泰春至日方  
長佳氣來東井祥氛啟朔方三花纔聚瑞五色啟成

章高彩凝青暉雯華絢綠庄陸離披異錦糾縷發  
光結蓋軒歛集升堂虞祚臧休嘉彌宇宙仁孝格  
蒼父母瞻言喜兒童舞抃忙成韓方表賀慶契待  
揚公成錫州麟聖表稱慶情歡忭謳吟興激昂曹劉  
咸俯仰沈宋與翔翔欲取崑山玉貯  
將昌谷囊從茲復旦詠倡和詎能量

補遺

夏日登南城 二首

蘇之芬 郡人

柳拂輕風日南城極目時白雲連岫合青靄入河迷  
戰血千年碧烟花六代移憑高何限意爛熳倒瓊危

其二

鎖鑰 天朝重登臨此際過高峰連鴈嶺平野接桑  
河雨霽烟籠樹風來鳥弄歌同人時騁望幽興復如  
何

七言排律

南樓落成翁守顏曰塞北庾樓以詩見示因次韻

明 賈可進

南城一望塞雲收遺構森森最上頭雅是籌邊曾憇  
節豈緣懷賦獨登樓何時嶂雨嵐烟蝕此日顰飛鳥  
革浮複道幾層新五嶽漢盪胸千里舊凝眸氣雄鴈嶺  
三關肅勢壓龍荒萬部幽恒嶽座中瞻北拱桑乾楹  
外俯東流名公自昔豪多興而我於今媿與儔旱魃  
連年應棘手胡笳無歲不驚秋同舟喜藉賢勞手聚  
首還淹斗大州拮据苦心終却顧平陂任運莫深憂  
好將雨露思波徧博得村屯比屋稠共保疆域期無

缺聖明長  
世撫金甌

前題次韻

萬代新



天外胡塵未盡收分星設險鎮旄頭從來內捍三關  
地今日重增百尺樓孤月當城笳夜冷彩雲南浦  
朝浮高聲聞閭闔疑傾耳雄峙王廷應側畔低展畫圖  
全挹晉遙分鎖鑰半通幽屏藩翠嶺長飛雪襟帶灰  
河解伏流入戶楚風猶自競昔年魏尚豈無倚罄懸  
捐給千人費構落平林四野秋發縱指原遵相國馳  
驅職每愧監州因非長楚偏蒿目互戒衣初詎杞憂  
嚴柝漸清戈甲氣輕裘時勸黍禾稠燕然寶憲勲初  
勳會掃腥  
羶莫越甌

原唱

翁應祥

茫茫紫塞雁門收高閣魏巍百雉頭好借勉公鎖鑰  
地平開庾亮武昌樓金鰲一柱衝波出海蜃千層  
水浮棟宇千霄連碧落山川當戶豁明眸嗟峨已擅  
寰中勝軒敞還同物外幽一自名公傳舊蹟只今新  
構仰風流登臨盡納無邊景嘯咏真堪第一儔佐吏  
優游明月夜軍營整肅白雲秋南來瑞氣通全晉東  
去祥光繞帝州胡虜遠逃爭齒指潢池近懼永消憂  
風清北屋絃歌沸日煖千村草木稠借問鼎新誰氏  
力燕山名  
姓在金甌

七言絕句

讀鄂國公傳

唐白居易

高卧深居不見人功名抖擻似灰塵只留一部清商  
曲月下風前伴老身

邊行即事

明王越

二月山城雪尚飛年年草色見春遲不知上國閑桃  
李開到東風第幾枝

過朔州

林魁

寒鴉古木荒城外苦月酸風斷角中十二樓臺春不  
夜邊城消息倩誰通

游金龍池寺

吳嘉禮

一池深碧自何年見說神龍向此卷願化雄鳴雙寶劍橫飛朔漢淨胡天

前題

提學御史湯北京

菰蒲深處綠成陰水榭周遭灌木森不信滄洲移紫塞何妨攬轡便抽簪

又

水園孤寺一僧多鏡裏紅塵迴不過惟有幽禽啼白晝間持貝葉坐青莎

又

觸暑驅馳亦可憐披襟蘭若水中天何人恨渡桑乾去此日臨流自爽然

又

日旰駉駉又撲塵池光迴首意逾親林香冉冉花無主谷響嚶嚶鳥送人

塞上即景 二首

萬代新

嚴城隱隱射龍沙風雨宜人帶晚霞無柰閒庭春晝永細燒沉水煮新茶

又

二月清明景色鮮東風處處送鞦韆桃花柳眼迷人媚誰道邊郵又一天

豐王古墓

李邦直

當年勲業重前修幸有芳名太史收千載空餘埋玉處寒烟暮雨鎖荒邱

林衙古刹

聞道當年太宰衙遺基屢見罩雲霞重修殿宇為名利衣鉢傳來歲月賒

廣福鐘聲

蒲牢洪韻報昏晨百里隨風入耳頻每到五更聲未  
已會看驚起利名人

美女釣臺

誰築層臺傍水灘嬌娃曾此坐垂竿流風餘韻傳千  
古來往行人取次看

翠屏積雪

轟轟蒼峰插太空瓊瑤累歲積幽宮雖逢大暑寒仍  
壯陰勝猶能奪化工

小峪藏春

十月韶華景色殊陽和小峪翠茵鋪幽人有意尋芳  
興載酒邀朋醉玉壺

雙化晚照

俗緣頓息自超然夢幻雙禪已百年日落猶存餘照  
影潭如往歲對談元

灰河伏流

灰泉一脉水潺潺隱顯無常任轉旋萬古長流何日  
盡深源疑與海相連

次韻八首

萬代新

豐王古墓

漫訝賢王年未修桐圭削就一朝收興亡千古渾如  
夢指點前唐剩廢邱

林銜古剎

天花遶殿曉排銜趺袒香中五色霞何處更尋遼世  
界傳乘太宰覺偏賒

廣福鐘聲

客誰是當年聞磬人  
敲磬黃昏又送晨天邊鳥兔往來頻須知百里聲中

### 美女釣臺

世路崎嶇盡急灘幻來美女影持竿機心到處俱堪  
息好與嚴陵一樣香

### 翠屏積雪

六花借冷舞長空赤日何能凝翠宮此景想惟邊塞  
有畫圖從未見施工

### 小峪藏春

峪接元米地不殊青青秋草獨平鋪緣思不異長房  
事別寄乾坤在一壺

### 雙化晚照

幻化從來若泡然斜陽無恙自年年錫飛石遶禪房  
靜避俗何方獨草元

### 灰河伏流

城南突起勢潺潺河伯驅雷從地旋此去蘆溝一千  
里奔騰指日與天連

### 元姬山

高 嵐 郡人

螺髻雲裳塵外粧春風豔艷麝蘭香山禽似記當時  
曲婉轉人前弄巧簧

### 輓劉烈婦

三首

國朝

莊清度

春風閉戶已三年憔悴花枝月影憐蜂蝶欲尋香徑  
去銀床只在此西偏

### 其二

生死由來欲斷腸獨教同穴暗心傷黃雲白雪寒原  
路時有風吹衣帶香

### 其三

欲尋貞魂舊是誰荒祠古墓已難追莫言烏鵲歌聲  
歇劉氏今刊第一碑

補遺

辛亥春浪遊朔寧卿雲見於州治汪使君搦管紀

盛文辭典麗菰蘆生目擊盛事次韵奉和聊以

當康衢老人鼓腹之謠云爾 華震陽

春滿邊關化日舒  
歛看應彩煥雲衢  
憑將鍊石補天  
手譜出光華復旦圖  
喬喬赧氛漫井里  
輝輝瑞靄彌  
闔閭為唐大傳百工  
句頓覺嘉祥徧八區

佳氣氤蔥麗昂分清時  
閱此幾氛氳華葩采紛  
賡軒  
后麟鳳光搖頌漢君  
擊壤山翁看得浴沂狂  
士樂  
訢訢衢歌封祝吾儕  
事應後唐臣詠五雲

文以載道作志而終以藝文非取其炳炳烺烺炫采  
色詰聲韵以為奇也凡所叙述其文必有關地方典  
故官師政教民生利弊人物賢否即所表章亦必其  
大節克著行誼無虧惟其德不惟其才惟其人不惟  
其官其藝文亦必蒼古雄渾精采簡卓乃稱後勁如  
是而文傳文傳而人傳而地方亦因之以重矣至於  
詩為藝文緒餘然本乎性情尤所難工自非深入其  
內有得於中一切贊頌贈答修飾潤色之詞俱非其  
體何也性情不存也是志所登悉加選汰寧嚴勿濫

寧少無多即未知有合于道與否而荒詞濫竽吾知免矣

助刻姓氏

州志議修有年矣向未舉行者時絀舉廢無其具也茲因歲物豐稔府志告成觀感興起紳士以增修為請一切廩餼之資剗之費除本州捐俸八十兩外官紳士庶隨力捐助共襄盛舉約計四百餘金俱係取懷而予其中選舉人物即貧乏缺後者亦一槩登錄惟其公也茲將助刻姓氏悉登於冊以為繼起者

勸

學正 霍連斗 二兩 訓導 郝光銓 二兩

吏用 朱士顯 二兩 鄉官 盧標 二兩

鄉官 蘇之芬 男增 二兩 舉人 閻式復 四兩

鄉官 杜璠 二兩 副梅 周龍爽 男德 二兩

鄉官 馬發一 男輔世五錢 一兩 鄉官 殷灝 二兩

拔貢 閻煥復 三兩 貢生 王祺生 三兩

貢生 牛耀德 三兩 思貢 蔚爾俊 一兩

貢生 雷霆 一兩 貢生 王泌 一兩

貢生 支夢卜 二兩 貢生 馬樸 男符瑞 三兩

貢生 馬存一 男誦 二兩 貢生 閻憲復 三兩

監生 劉熠 四兩 監生 牛履德 男倬 四兩

貢生 殷台桐 二兩 貢生 王鈺 男鸞 三兩

貢生 解民愠 三兩 監生 熊松齡 四兩

監生 蒯淮培 二兩 五錢 監生 李英芳 男理端 三兩

監生 支培申 三兩 貢生 王秉信 四兩

貢生 盧楨 六兩 監生 熊鶴齡 二兩

監生 盧彬 二兩 貢生 王汝顛 男振甲 二兩

監生 劉彰 四兩 監生 李思春 四兩

助刻姓氏

生員 盧四科 二兩

生員 王多 一兩

生監 姜文進 四兩

生監 姜弘文 四兩

生監 陳乾佑 十二兩

生員 張珮 男 永源 二兩

生監 程永慶 四兩

生監 解應魁 六兩

生員 盧挺 一兩

生監 周天培 四兩

生監 劉銘 二兩

生監 蔡世傳 二兩

生監 張映斗 二兩

生監 雷宇懼 二兩

生監 蔚懋禮 四兩

生監 周天爵 二兩

生員 蔚俊彥 二兩

生監 王天佑 三兩

生監 蔚璵 三兩

生員 王朝柱 一兩

生監 熊飛熊 三兩

生員 高則乾 二兩

生監 趙文明 男 祚弘 五錢 二兩

生監 蔚琬 一兩

生監 王合極 一兩

生監 張各立 四兩

生員 康鑄英 二兩

生員 楊自盛 一兩

生監 熊秉彝 一兩

生監 殷台模 一兩

生監 王道興 一兩

生監 蔚清 一兩

生員 蔚濤 二兩

生監 羅森 二兩

生監 楊永 二兩

生監 趙子麒 二兩



生 監 王國漢 一兩

生 監 殷士鐸 男 勃 一兩

生 監 蔚弘源 二兩

生 監 魯 璵 一兩

生 監 王有麟 二兩

生 監 王 用 一兩

生 監 張文慶 一兩

生 監 蔚懋仁 男 霽 一兩

生 監 杜 琳 三兩

生 監 熊 一 奎 第 一 三兩

生 監 杜 瑾 一兩

生 蔚 邵 節 婦 剛 氏 子 一兩

生 監 張大用 二兩

生 趙開榮 五錢

生 雷四覺 五錢

生 張符節 弟 連 節 四錢

生 雷醒衆 二錢

生 盧 埏 二錢

生 王振功 五錢

生 殷台杰 三錢

生 殷台業 二錢

生 盧 堉 二錢

生 宣國卿 三錢

生 高如衡 五錢

生 田逢辰 馬 邑 人 五錢

生 尹祖志 五錢

生 趙繼宋 三錢

生 蔚 篇 五錢

生 趙開緒 六錢

生 監 牛謙德 五錢

生 劉 适 三錢

生 蔚 觀光 五錢

生 王溥生 五錢

生 閻 琮 五錢

生 王 崇 五錢

生 劉順昌 三錢

助刻姓氏

員生白德 四分二錢 員生蔚懋中 五錢

員生華煩 四分二錢 員生解訓 四分二錢

員生劉開化 四分二錢 員生王沛 三錢

員生盧坦 四分二錢 員生蘇翰熙 四分二錢

員生高弘發 二兩 員生唐永齡 四分三錢

員生柳生楊 二兩 員生李毓价 一兩

員生蔡世祿 五錢 員生劉嘉琮 五錢

員生周正基 五錢 員生項陽慶 五錢

員生梁鵬 三兩 員生杜紹芳 四兩

員生田茂 增子一兩 員生劉銳 二錢

員生盧文彪 監生七錢 員生張於朝 二錢

員生劉述先 節婦宋氏子一兩 員生蘇啟後 監生廣威子五錢

員生蘇之桂 監生斌子五兩 員生趙法孔 節婦勾氏子一兩

員生蔚先春 節婦李氏子五錢 員生張天賜 節婦陸氏子一兩

員生吳琮 武舉泰孫五錢 員生周龍勺 監生桓奇子四分

順成鋪 天成鋪 德聚鋪 永隆鋪

永興鋪 新泰鋪 寧泰鋪 永暢鋪

永豐鋪

廣昇鋪

汾平鋪

廣盛鋪

阜成鋪

五常鋪

恒遠鋪

永泰鋪

德盛鋪

信票鋪

新盛鋪

以上各  
五兩

温如玉

蘇登舉

水發源

孫福通

李連發

雷珍

呂重

孫芝昇

張炳

王應官

宋肇統

王金威

郝應舉

王選

史國鼎

武選公

李而浥

李生秀

李廷瑞

籍成章

武鑿亮

李印

郝登州

聶是岐

陳好學

孟恒

李傑

賈復漢

李璽

李成湯

温如璧

陳永興

阜成號

新昇號

郝福

張弘福

陳好道

翟光

賈世宅

康維烈

廣盛號

丁維世

張弘道

員伍權

義盛號

馮成茂

譚有銀

翟永慶

翟永昇

武國運

寧泰號

崔嶸

程學仁

李定

王金泰

杜元臣

王嘉佐

張弘猷

孟光曾

程三奇

張明才

程運

賈維初

以上各  
一兩

王賓

五錢

監生 楊璠

四兩

監生 羅標

三兩

監生 李泰春

三錢

生員 李發春

三錢

生員 王家臣  
男 懔懔

三錢

生員 李繹美

一錢

生員 王立極

一錢

生員 王用極

一錢



原件收藏

山西省图书馆

原件书号

7400-07

原件状况

原件有部分有污迹

原件个别地方破损

[雍正]朔州志十二卷

(清)汪嗣圣修 王霭纂

清雍正十三年刻本

八册

本部书共摄制 1 卷 卷一至卷十二

版权所有 不准复印

# 本部书完

本片卷含：卷一至卷十二